

Rom kimbi Polnön Rom yenğöra kimbi alök. Jim-asa-asari

Jim-asa-asari Rom sitinön kopa malgetka urumelen kambuñi kambuñi yenön sutñine simbisembel denđa malget. Juda tosatñan uruñini melenđa Juda ahakmemenön aka Köna keunön qekötahöba silenini yandiba sömbup qahö namba malget. Kian kantrigö urumelen kambu yenön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö ölni andö enguba salupñine kian ambazip engoholi buñani akeri, miangöra söngaiba ilit engiget. (11.18-20) Mewö aka Juda urumelen yenön silikñini walñi mewöyök wuatangögerangöra aka jijiwilit ak engiba malget. Juda kambu yenön kian kantrigö urumelen alaurupñini qepureim engiba Juda silikñini qahö wuatangögerangöra aka keuñini töhören jim teköba söngöröqök aket. (2.17-20; 14.3)

Mindirim engimangöra Polnön kambu yahöt yenğöra goro keu nanñök nanñök engimakza. Juda yenğö könani indeliga (2.21-27) kian kantri yenön söngaiget. Keu bohonñi kewö jiyök, ‘Jisös möt nariinga Anutunön mötnariñini eka keunini jim teköiga solanibin. Köna murutñi kun qahö ahöza.’ (1.17) Kian kantri ambazip söngöröqökñini qekömapköra könani indela kewö jiyök: “Anutunön nanñini ölöpñinangöra

aka qahöpmö, nanŋi ak-kömukömuŋaŋgöra aka inŋini möwölöhöm eŋgiyök. (11.30-32) Mianŋöra mönö kapaŋ köla Köna keu tem köla malme. (7.12-24) Körekmakörek siŋgisöndokö kösö gwarönöŋ mala ayuhubingö akzinmö, (3.23; 5.12) Anutunöŋ nanŋi irimsesewölŋan etmapköra aka Kraist melaiyök. (5.8-9) Uŋa Töröŋan meköba siŋgisöndok aka kömupkö kukösumnöhök pösat neŋgima. Mianŋöra siŋgisöndok ahakmeme mosöta (6.11-14) mindiriba jöpaköm aŋguba kopa yeŋgö sutŋine kopa tandök kude malme.” Goro mewö eŋgiiga ösöŋösöŋ tem köla mindiriba malget. Polnöŋ nalö mutukŋi Rom ani naŋgöm waŋgigetka toroqeba Spein kantrinöŋ anmamgö möta mewö ohoyök.

Buk kianŋö bahöŋi bohonŋi 7 mi kewö:

Jim asa-asari keu aka keu bohonŋi 1.1-17

Köreknjan siŋgisöndokö amötqeqegöra osizin 1.18-3.20

Anutunöŋ amöt qem neŋgimakzawaŋgö könaŋi 3.21-4.25

Kraistpuk malmal dölökŋaŋgö könaŋi 5.1-8.39

Israel yeŋön Anutugö mötmöt areŋnöŋ malje 9.1-11.36

Urumelenj neŋgö silik ahakmemegö keu 12.1-15.13

Keu teteköŋi aka nanŋi yaizökzök keuŋi 15.14-16.27

¹ Pol ni Jisös Kraistkö nup meme azia aka Rom urumelenj ambazip embuk keu eraum mötpingöra kaba kimbi ohozal. Anutunöŋ noholiga melaimelai azi aposol akzal. Anutunöŋ Ölöwak Buŋaŋi jim sehimangöra möwölöhöm niŋgiiga maljal.

² Anutunöŋ oyaenƙoyaen akingö Ölöwak Buŋaŋi indelmapkö keuŋi mi qeljine jöhöba jiiga kezapqetok ambazipnöŋ möta Buŋa Kimbi töröŋi mianğoreŋ ohogetka ahöza.

³ Ölöwak Buŋagö könaŋi mi nanŋi nahönŋi Jisös Kraist. Yaŋön gölme azi ewö kiŋ Deiwidkö gwölönarökurupŋi yeŋğoreŋök asuhuyök.

⁴ Suep azi ewö Uŋaŋan solanŋi töröŋi ahök. Anutunöŋ i mem guliiga kömupnöhök wahoriga kukösunŋan aukŋe asuhuyök. Anutunöŋ mewö mianjön nanŋi Nahönŋi akzawaŋgö keuŋi mi jim köhöiba kuŋgum waŋgiyök. Kembuninaŋgö könaŋi mewö.

⁵ Kraistnöŋ nupkö ölni kewö asuhumapköra mörök: Neŋön kian kantriŋi kantriŋi liliköba Jisösgö qetŋi sutŋine jim sehiinga möta uruŋini melenɗa möt narim waŋgiba keuŋi tem köla malme. Mianğöra aposol nupŋi aka kalem möriamŋi mi neŋgiiga memba maljin.

⁶ Anutunöŋ ambazip Jisös Kraistkö buŋaya aka malmegöra eŋgoholöhi, Rom inŋini mewöyök yeŋgö sutŋine malje.

⁷ Uruŋini melenɗa Rom sitinöŋ maljei, nöŋön körek eŋgöra kimbi ki ohozal. Anutunöŋ inŋini nanŋi ambazip sarakŋi malmegöra eŋgohola jöpaköm eŋgimakza. Anutu Iwinini aka Kembu Jisös Kraist yetkön mönö kalem möriam eŋgiyohotka luainöŋ malme. Mewö köulukömakzal.

Polnöŋ Anutu möpöseiba kewö köuluköyök:

⁸ Gölmeneŋi gölmeneŋi pakpak yeŋön Rom eŋgö mötnariŋinaŋgö kösohotŋi jigetka mörakzal. Mianğöra keuni könahiba Jisös Kraistnöŋ nam

köl niŋgiiga körek engöra aka Anutuni saiwap jimakzal.

⁹ Nöŋön mötmöt sihimni pakpak Anutugö nupnöŋ ala welenni qeba Nahönŋangö Ölöwak Buŋaŋi jim asarimakzal. Mianğoreŋ sundan iŋini mötmörim engimakzali, mi Anutunöŋ naŋgöba jimakza.

¹⁰ Nalö dop kewö jiba köulukömakzal, “O Anutu, nöŋön Rom yeŋgöreŋ anmamgö möta nalö köröpŋi lök mambötzal. Mianğöra mönö sihingahö dop jinöŋga köna asuhuiga nalö kewöŋe ölop anmam.” Mewö.

¹¹ Engeka mötnaripŋinan köhöimapköra möta ölop nup memegö mötmöt kalem kun engimam. Mianğöra nalö mutukŋa engöreŋ kaba engekŋamgö awöweŋgöba maljal.

¹² Kewö akingö awöweŋgömakzal: Nöŋön engekiga mutulaŋgöba ni aka iŋini denöwö möt narimakzini, mi eraum möta urunöŋ naŋgöba körö-ölöwak qem aŋgubin.

¹³ *O urumelen alaurupni, iŋini mönö kewö mötmöriba malme: Nöŋön kian kantri tosatŋi yeŋgö sutŋine liliköba uruŋini kuŋgum engibiga melengeri, mianğö dop engö sutŋine mewöyök ölni asuhui ekŋamgö mötzal. Mianğöra nalö gwötpuk lök engöreŋ kusuk kamamgö areŋi ala malalmö, yuai tosatŋan mönö nalöŋi nalöŋi jöhöm niŋgiiga osial.

¹⁴ Anutugö jeŋe tosa kewö ahöm niŋgiza: Ambazip kambu könaŋi könaŋi bauköm engimamaŋgö keuŋan mönö nöŋgö qakne ahöza. Mötmöt ambazip aka gukmaulem ambazip miengö welenqe-

* 1:13: Apo 19.21

qeqini öröröŋ akzal. Mindimindiri keu Grik mötzei aka qandam * mala nanŋini keuŋine irohwaroho jimakzei, mi körek baukôm enŋimamgö mötzal.

15 Mewö möta Ölöwak Buŋa mi Rom siti enŋöra mewöyök jim asarimamgö amqeba urukönöp ahakzal. Mewö.

Ölöwak Buŋagö kukösumŋi kewö:

16 *Anutugö kukösumŋan nini körek mem letot neŋgiiga nalö kewöŋe Suepkö buŋaya akzin. Juda neŋön mutuk urunini melenŋa mi möt nariin aka neŋgö andönine kantri tosatŋi yeŋön mewöyök mi möt nariget. Miaŋgöra Anutunöŋ kukösumŋi Ölöwak Buŋanöŋ ali ahözawaŋgöra mi algamusum qahö ahakzal.

17 *Ölöwak Buŋanöŋ mönö solanŋi akingö könanŋi indelakza. Buŋa keu kun kewö ohoget ahöza, “Solanŋi akzawi, yaŋön mönö Anutu möt nariba mewö miaŋön köhöiba mal öngöma. Keu miaŋgö könanŋi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöŋ malbinaŋgö dop toroqeba möt narim waŋgiba jeŋe solanimakin.” Mewö.

Neŋgö ŋiŋgisöndoköra Anutugö irimŋan seholicmakza.

18 Ölöp solanibinakmö, ambazip keu ölni ahakmemeŋinan közaŋgöba siksauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholicmakza.

* **1:14:** Qandam, Siawari imbinöŋ qandak, Nei keunöŋ bus kanaka, ambazip arökŋe nanŋinök töŋpin mala mötmöt miriŋini qahö gukmaulemnöŋ malget. * **1:16:** Mak 8.38 * **1:17:** Hab 2.4

Ambazip mewöni pakpak engeka anğöjörakñini qetala silikñini bölönanğöra aka kazikñi indeli asuhumakza.

¹⁹ Mi kewögöra: Anutugö könani möt kutubinanğö dop akzawi, mi mönö nanjak indel enğiiga sutnine aukneyök ahöiga mörakze.

²⁰ Anutugö malmalñi qahö ehakzinmö, kukösumñi mi Suep gölme miwikñaim etkiba mianğöreñök könahiba kondela mala koriga nalö teteköni qahö asuhumakza. Mianğöra Anutugö börösöwöni törörök ehinga bem aködamunñambuk akzawañgö könanan mönö ölop möt kutubinanğö dop akza. Mianğöra ambazipnön yuai kunön möndöba nanñine keuninanğö likepñi nanğöba jibingö osimakze.

²¹ *Anutugö könani möt kutuba malgetmö, töndup “Yañön bemnina,” mewö qahö jiba i qahö möpöseigetka qetbuñani sutñine qahö ahöyök. Mewö qahö ahöyökmö, keu omani lanlan mötmörigetka mötmötñinan löwöriiga mötök aket. Uru mötkutukutuñini qahö mianñön mönö ömuñ köla pandaman meiga jipjap malje. Mianğöra “Anutugö könani qahö mötzin,” jiba möndö möndö lan aketka qahö dop kölja.

²² “Mötkutukutu ambazip maljin,” jiba silenini memba öngöba malgetmö, mewö mianñön uruqahö ambazip akze.

²³ *Anutu qetbuñani asakmararañambuk nalö teteköni qahö mal öngömawi, i qahö möpöseiba waikñi qahö memba malgetmö, i mosöta salupñe tandö lopion aka imut tosatñi kunğuet.

* **1:21:** Ef 4.17-18 * **1:23:** Dut 4.16-18

Tandö lopion söhögetka kaisongolomñinan azi kömukömuñangö dop akze. Imut tosatñi megetka nei sömbup aka gölmenöñ bapñinan köla ölölöngömakzei, miengö dop akze. Yeñön mi sipköba bem ewö möpöseim engiba malget.

²⁴ Mewö aka malgerangöra Anutunöñ i andö enguiga nanñini uruñinangö sihim kömbönañini lañ wuatangöba serowilin aka nanñini silenini gamu qeba mem et al anguba malje.

²⁵ Anutugö keu ölni mosöta salupñe keu munenji qekötahöget. Miwimiwikñai Tonji ölna qahö göda qeba welenñi qahö qeba malgetmö, yuai miwikñaiyöhi me nanñini böröñinan megeri, miangö sihimñi asuhui möta börösöwö miengö waikñini memba möpöseim engiba malget. Mewö malgetmö, neñön miwimiwikñai Tonini mi nalö teteköñi qahö möpöseimakin. Keu mi ölna.

²⁶ Mewö aka malgerangöra Anutunöñ i andö enguiga nanñini sihim kömbönañini gamuñambuk mi lañ wuatangöba kewö aket: Yeñgö ambiurupñinan awanöm köna diñdiñi mosöta nanñinak melenña amimba malget.

²⁷ Azi yeñön mewöyök ambibuk amimba malmal mosöta gongiget. Kaisero akitkö sihim kömbönañini mi azi sutñine öröm anguba mötketka könöñambuk aiga nanñinak melenña amimba angöjörakñinambuk aka malget. Gongiba jaubatbat malgerangö likepñi mi Anutunöñ dopñine melenñ engiiga qakñine öngöiga böliget.

²⁸ Anutugö könañi möt kutubingöra mötketka eretñi aiga mosötketka Anutunöñ mönö mewöñanök i andö enguiga nanñini mötmötñini

gonḡonjan galöm köl enḡiiga ahakmeme gamuḡambuk aka memba malget.

²⁹ Ahakmeme gonḡonji aka silik bölöḡi könäḡi könäḡi mianḡön uruḡini kokolak qeiga kewö ahakze: Yuaigö nepaqepalok membagun membingö köpösöḡöba isimkakalek ahakze. Tosatḡi yeḡörej yuaigöra körögisigisi ahakze. Ambazip enḡuget kömumakze. Anḡururuk aka tosatḡi tilipköm enḡimakze. Ambazip tosatḡi jiliwitiḡ qakḡe bölöḡi ak enḡibingö mörakze. Keu ambazip kezapḡine saḡep alget geiga diwoḡdawoḡ anakza.

³⁰ Andöqeḡe keu jimakze. Anutugö yom jimakze. Silik bölöḡi könöpḡambuk tem köla wuatḡḡömakze. Jakbak-öraḡböraḡ aka silenḡini memba wahörakze. Silenöḡ alal aka silik bölöḡi murutḡi murutḡi mi-wikḡaimakze. Iwinam keuḡini qahö tem kölakze.

³¹ Mötmötḡini qahö tohoiga uruqahö mala keu laḡ jöhöba qahö wuatḡḡömakze. Ala-ala qahö aka tosatḡi yeḡöra wösömötmöt qahö ak enḡimakze.

³² Anutunöḡ köna diḡdiḡi kewö jim kutui ahöza: Ambazip bölöḡi mewöḡi ahakzei, yeḡön mönö kömup köhöikḡaḡö buḡaya akḡeaḡö dop akze. Yeḡön jimkutukutu mi möt asarizemö, töndup nanḡinak bölöḡi mi ahakze aka miyök qahöpmö, tosatḡan mewö aketka “Ölöp!” jiba imbi köla naḡḡöm enḡimakze. Mewö.

2

Anutunöḡ keunini kewöta diḡdiḡanök jim tekömakza.

1 *O alani, gi tosatņi yeņgö keuņini jim tekömakzan me qahö? Gi tosatņi yeņgö keuņini jim teköba nangak ahakmeme miyöhök ahakzan. Mianğöra alagahö keuņi kun jim teközan ewö, mönö nangahö keu mewöyök jim tekönönga mianğö lömbötņan nangi qake öņgöma. Mianğöra öņgöņgöņi me eretņi akzani, mi töndup mönö yuai kunöņ möndöba nangahö keugö likepņi naņğöba jimamgö osimakzan.

2 Ambazip ahakmeme bölöņi mewöņi ahakzei, Anutunöņ yeņgö keuņini keu öļnaņgö dop kewöta jim tekömakza, mi mötzin.

3 Mianğöra denöwö mötmörizan? Gi gölme azia aka töndup yuai mewöņi ahakzei, yeņgö keuņini jim teköba nangak ahakmeme miyöhök aknönga dop kölja me qahö? Anutunöņ keugi kewöta jim teköba likepņi melen gihiga öļņa göhö qake öņgöma. Anutugöra jeņe qahö mömölaköba asambötman.

4 Anutunöņ ala ak neņgiba bölöņamninaņgö likepņi zilaņ qahö melenmapmö, mamböta möta mökösoņmakzawi, keu mianğöra jijiwilit akzan me? Anutunöņ uruölopņi kondela urugi melenmangöra öröm gihimakzawi, mianğöra tönpin malbanbuk.

5 Gi kezapjupjup aka urugi qahö melenmani, mewö mianjön Anutugö jeņe qahö mömölakömanmö, irimsesewölņan göhö qake sehiba öņgöma. Kazik nalöņan kam kuņguiga keunini diņđiņanök jim teköma. Likepņi melen neņgimawi, nalö mianğoreņ irimsesewölņi mönö aukņe indeliga eka mötpin.

* 2:1: Mat 7.1; Luk 6.37

6 *Anutunöŋ mönö “Ahakmemeninangö dop mohot mohot neŋgöra likepŋi melenj neŋgimawi,” mi kewö:

7 Anutunöŋ qetbuŋaŋi neŋgimapköra mamböta aködamuninambuk akingöra kapaŋ köla pöndaŋ kinda nup ölöŋŋi ölöŋŋi memba maljini, neŋgöra malmal köhöikŋi neŋgima. Mi neŋgiiga nalö teteköŋi qahö oyaenjkoyaen mal öŋgöbin.

8 Mewö mal öŋgöbinmö, ambazip nanŋinaŋgörök mötmöriba girinjabak memba Buŋa keu ölni andö qeba keu bölöŋi wuatangömakzei, Anutugö irimŋan mönö miangöra seholiiga kazikŋi ali qakŋine öŋgöma.

9 Kazikŋi mi mutuk Juda neŋgö qakŋine öŋgöiga neŋgö andönine kantri tosatŋi aiaka bölöŋi ahakzei, körek yeŋgö qakŋine mewöyök öŋgöiga sihimbölö kahasililij möta malme.

10 Mewö malmemö, Juda aka neŋgö andönine kantri tosatŋan mewöyök urunini melenja aiaka ölöŋŋi ahakzini, Anutugö aködamunŋan mönö körek neŋgö qaknine öŋgöiga qetbuŋa neŋgiiga luainöŋ malbin.

11 *Anutunöŋ ambazip tosatŋi qahö neŋgek soriba tosatŋi qahö qepureim enŋgimakzapmö, dop mohotnöŋ kewöt neŋgimakza.

12 Miangö könaŋi kewö: Kantri tosatŋi yeŋön Anutugöreŋ Köna keu qahö oyoŋda möta siŋgisöndok laŋ ahakzei, yeŋön mönö körekŋanök tönpin mala ayuhume. Juda neŋön Anutugöreŋ Köna keu oyoŋda möta töndup siŋgisöndok ahakzini,

* 2:6: Sum 62.12; Qam 24.12 * 2:11: Dut 10.17

Anutunöŋ mönö keu mianğö dop körek kewöt neŋgiba keunini jim teköma.

¹³ Ambazip Anutugöreŋ Köna keu öne mörakzei, yeŋön Anutugö jeŋe solanŋi qahö akze. Qahöpmö, Köna keu tem köla wuataŋ-gömakzei, Anutunöŋ mönö yeŋgö keuŋini jim teköiga solanize.

¹⁴ Kantri tosatŋan Anutugöreŋ Köna keu qahö memba maljemö, tosatŋan tøndup laŋ nanŋini imbi mianğö dop mötmöriba ahakze. Anutugö köna keuŋi qahö mötzmö, tøndup mötmötŋinan jim kutum eŋgiiga Anutugö köna keugö dop aka mianğö bapŋe malje.

¹⁵ Mewö maljeaŋgö könaŋi mi aukŋe asuhuba kewö ahöza: Anutunöŋ ambazip miwikŋaim neŋgiba mianğöreŋ Köna keuŋaŋgö jimkutukutuŋi mi körek neŋgö urunine ali ahöza. Mianğöra Anutunöŋ keuŋi jiba saŋep alakzawi, mi kian kantri yeŋön mewöyök mörakze. Mi uruŋinaŋgö kezapŋan mötketka keuŋini jiiga Anutubuk öröröŋ mörakze. Anutunöŋ urumötmöt eŋgiyöhi, mianön nalö tosatŋe keu jakeŋe ala kuŋgum eŋgiiga möt bölimahakze aka nalö tosatŋe keuŋini nanğöba jiiga möt ölöwahakze.

¹⁶ Ölöwak Buŋa jim asarimakzali, mianğö dop nalö ketanŋe kewö asuhuma: Kraist Jisösnöŋ Anutu bauköm waŋgiiga ambazip neŋgöreŋ keu tölapŋi tölapŋi kewöta jim teköm neŋgima. Mewö.

Köna keu mianön könaŋamnini denöwö indelja?

¹⁷ Gi nangi qetki Juda azia qeta Köna keunöŋ amöt qem gihimapkö möt nariba “Anutugö buŋaya akzal,” jiba silegi möpöseinöŋga dop kölja me qahö?

18 Gi Anutugö jitᅇaᅇgö dop malmalgö keuᅇi möt sölöᅇgöba maljan. Anutugö Köna keu kusum gihigeranᅇöra aka köna qetpuk sorok wuatᅇaᅇgömamᅇgö jiba keu pakpak kewöta ölnᅇi aka munᅇᅇi mendenᅇmakzan.

19 Gi “Ölöᅇ jegömöl ambazip alabauᅇᅇini aka enᅇuaᅇᅇitmam,” jiba aiweliköm aᅇᅇumakzan. Söᅇaupaᅇᅇᅇ malᅇei, mi mem asarim enᅇᅇimanᅇᅇgö dop awösamkakak akzan.

20 Mewö aka kewö jimakzan, “Köna keu kusum niᅇᅇigetka mötkutukutu lök miwikᅇaiba keu ölnᅇaᅇgö könaᅇi mötzal.” Mewö jiba amᅇeba kewö jimakzan, “Ni ölöᅇ ambazip mötmöᅇᅇini qahö yeᅇᅇgö böhiᅇina akᅇaᅇ. Ölöᅇ mönö namande yeᅇᅇgö qaqaᅇuᅇina aka kusum enᅇᅇimakᅇaᅇ.”

21 Mewö jiba tosatᅇi kusum enᅇᅇiba wuaᅇöᅇᅇöra nangi qahö kusum aᅇᅇumakzan? “Yoᅇᅇorö kude memaᅇ,” jiba ambazip uruᅇini kuᅇᅇum enᅇᅇimakzanmö, nangak yoᅇᅇorö meme akᅇᅇᅇga qahö dop kölnᅇa.

22 “Sero yoᅇᅇorö kude akᅇaᅇ,” mewö jinᅇᅇ mötketka nangak kaisero akzan me qahö? Tandö lopioᅇ sisit mem enᅇᅇimakzanmö, töndup nangak jöwöwöl jikenᅇᅇ öᅇᅇgöba yuaᅇᅇi aᅇᅇön köla kiom qeba memakzan. Mi qahö dop kölnᅇa.

23 Anutugöᅇeᅇ Köna keubuk maljanᅇᅇöra sileᅇi laᅇ memba öᅇᅇömakzanmö, nangak mi walᅇᅇda mewö mianᅇön Anutugö qetbuᅇaᅇᅇi memba et ala malᅇᅇᅇga gamuᅇambuk ahakza.

24 *Mianᅇᅇö keuᅇi mi Buᅇa Kimbinᅇᅇᅇ kewö ohoᅇet ahöza, “Enᅇö silikᅇinaᅇᅇöra aka kian

* 2:24: Ais 52.5

kantri könagesö yeñön Anutugö qetñi ilita sutñine mepaqepaik ahakze.”

²⁵ Anutugörenj Köna keu wuatangöba maljan ewö, Anutugö aiwesökñi silege yandigeri, mianñön mönö bauköm gihiiga dop kölja. Mi dop köljamö, köna keu walönda singisöndok ahakzan ewö, mönö aiwesöki qahö memenji mewö tandök aka öne lan maljan.

²⁶ Tosatñan Anutugö aiwesökñi silenine qahö yandigetka töndup köna keugö jimkutukutuñi wuatangömakze ewö, Anutunöñ aiwesök mi silenine ahözawanjö dop ewö engehiga dop kölja.

²⁷ Mewö engehiga yeñgörenök kunñan ölop Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt angön köla maljanmö, mi walönda singisöndok ahakzananjöra aka etman.

²⁸ Azi kunñan silenöhök Juda azia akza ewö, yañön mönö Juda azi ölnji qahö akza. Mewöyök Anutugö aiwesökñi sileneyök yandigetka yañgisenj ahakze ewö, mi mönö aiwesök omanji, ölnji qahö.

²⁹ *Ölnji qahöpmö, azi kun uruñan Juda azia akzawi, yañön mönö Juda azi ölnji akza. Mewöñanök Anutunöñ urunini qesöñda Uñanji Töröñi mianjörenj ali maljawi, mianñön mönö aiwesök ölnji akza. Köna keugö bohonñi wuatangöba azi silenji yandigetka gölme ambazipnöñ mötketka öngömakzapmö, Anutunöñ aiwesökñi urunine kinjawanjöra möri öngöi möpöseim neñgimakza. Mewö.

* **2:29:** Dut 30.6

3

Anutunöŋ keuŋi pöndaŋ wuatangömakza.

¹ Mewö ahöiga Juda ambazip maljini, mianön mönö denöwö bauköm neŋgibawak? Anutugö aiwesökŋi silenine yandigeri, miangö ölŋan mönö denöwö ahum neŋgiza?

² Ölŋan mönö malmal pakpak miangören gwötpuk ahuba ölŋa bauköm neŋgimakza. Miangö keuŋi mutukŋi kewö: Anutunöŋ Buŋa keuŋi neŋgiiga buŋanina aiga maljin.

³ Mewö maljinmö, neŋgörenök tosatŋan Anutu qahö möt narim wangiba malgetka denöwö ak eŋgima? Yangiseŋ malgerangö likepŋi meleŋda mönö denöwö ak neŋgima? Urukalemŋi jöhöba aŋgön köliga omaŋi akŋa me denöwö?

⁴ *Mi qahöpmahöp! Nini körek pakpak munen ambazip akzinmö, Anutunöŋ öl töhöŋŋi akza. Anutugö könäŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likepŋi jim asariba miangören diŋdiŋi aka luhut al eŋgiba kinman. Göhö könäŋamgi mewö miwikŋaiba naŋöba jime.”

⁵ Neŋön ahakmeme gongonŋi wuatangöinga Anutunöŋ qindinaim neŋgiiga ahakmemeŋi diŋdiŋan mewö aukŋe asuhuza ewö, neŋön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi meleŋniga irimsesewölŋan qaknine öŋgözawi, yangö mötmötŋan mewö gongiza me qahö?

* **3:4:** Sum 51.4

6 Qahö, mi yapmakek! Anutunöŋ goŋgoŋi akawak ewö, yaŋön gölmeŋi gölmeŋi neŋgö ke-unini mönö denöwö kewöta törörök jim teköbawak?

7 Nöŋön muneŋ azia akiga Anutunöŋ keuŋi ölnjan qindinjaim niŋgiiga yaŋgö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahali, Anutunöŋ miaŋgö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma.

8 Mönö kewö jiinga dop kölbawak, “Nini ölop bölöŋi toroqeba ahinga Anutunöŋ mi qindinjaiiga ölopŋaŋgö ölnjan asuhuiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miaŋgö dop laŋ ahakza.” Mewö aka jigeranöŋ keuŋi mi Anutunöŋ kewöta dopŋine jim teköm eŋgima, mötzal. Mewö.

Ambazip kunŋan solanŋi qahö akza.

9 Keu mewö eraum möta mi denöwö jim teköbinak? Juda neŋön kantri tosatŋi eŋgoŋgita Anutugö jeŋe diŋdiŋi akzin me qahö? Saumban! Miaŋgö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahinga köpeim neŋgiiga maljin. Miaŋgöra silenini memba öŋgöbingö osimakzin.

10 *Miaŋgö keuŋi mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

* **3:10:** Sum 14.1-3; 53.1-3

- 11 Kungö uruņe mötmöt qahö ahum kutui laņ malje. Kunņan kun Anutu miwikņaimangö qahö kapaņ kölakza.
- 12 Qahöpmö, körekņan mönö köna oņgita janjuņ aka malje.
Körekmakörekņan mönö böliba Anutugö jeņe aņgöjörakņinambuk akze. Ölöpņi ahakzawi, mohot-töwa kun mi qahöpmahöp miwikņaižal.
- 13 *Nesilamņinan isimkakalek ahakze.
Jöl ginaginaņinan qaksirigö löm ewö aņaņiba kiniga kömupkö qösösökņi ewö mianjön ambazip laņ ayuhum eņgimakze. Keu bölöņi mi qatögö jitņi möröm warabe ewö numbuņine kokolak qeba ahöiga jitņinan ambazip laņ eņgöhömakze.
- 14 *Sait keu kömbukņambuknöņ mönö numbuņini kokolak qeiga ambazip laņ qesuahöm eņgimakze.
- 15 *Ambazip laņ eņguba sepņini mokomegöra könaņinan kik-kek ösumok anda kamakze.
- 16 Könaņini goņgii maljeaņgö aiwesökņini kewö akza: Denike lilikömakzei, miangöreņ mönö könden-änden aketka ambazip uruņinan böliba kömbuhi-makza.
- 17 Luainöņ malmalgö könaņi mi qahö möt kutum yaköze.
- 18 *Anutu göda qebingö keuņi mi uruņine qahö ahöza. Jitņi oņgitpinbuköra keņgötņini qahö möta önewat laņ malje.”

* 3:13: Sum 5.9; 140.3 * 3:14: Sum 10.7 * 3:15: Ais 59.7-8

* 3:18: Sum 36.1

Anutugöreŋ keu mewö ahöza.

19 Anutunöŋ Köna keu kewögöra neŋgiyök, mi mötzin: Köna keu pakpak mianöŋ gölme dop jöhöm neŋgimakza. Nini keu miangö bapŋe anda tem köla malinga dop kölma. Qahö tem kölbin ewö, Anutunöŋ mönö likepŋi melen neŋgii ayuhubin. Miangöra sömbunini möta möndömöndönini mosöta keu bök mala tem köl waŋgiinga dop kölma. Anutunöŋ ambazip könanini mewö indelöha ahöza.

20 *Köna keunöŋ jöhöm neŋgimakzapmö, nini lökŋanök mi wuatangöbingö osimakzin. Anutugöreŋ Köna keunöŋ siŋgisöndok qiwikŋaiiga aukŋe eka ölop möt kutubinmö, köna mianöŋ Anutugö jeŋe solanŋi akingö osibin. Mewö.

Solanŋi akinangö könanŋi mi mötnariŋ.

21 Naninak osimakzinmö, Anutunöŋ Köna keu wuatangöba solanŋi akingöra mi qahö jiyökmö, köna murutŋi kewö arengöba jii ahöza: Anutunöŋ nanŋak keunini jim teköiga yangö jeŋe solanibin. Anutunöŋ keu mi Moses aka kezapqetok ambazip yeŋgöra indeliga nangöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

22 *Miangöra denike denike neŋön Jisös Kraist möt narizini, Anutunöŋ mönö körek neŋgö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin.

23 Ambazip körek neŋön siŋgisöndok aka Anutugö asakmararaŋgöra osizin.

24 Mi osizinmö, Anutugö kalem möriamŋan asuhuiga Kraist Jisösnöŋ sohopnini meyök.

* 3:20: Sum 143.2; Gal 2.16 * 3:22: Gal 2.16

Anutunöŋ kalem mianğöra aka keunini jim teköiga solanibin.

²⁵ Mutuk siŋgisöndok aka malgeri, Anutunöŋ mi möta mökösoŋda likepŋi zilaŋ qahö melenj engiyök. Mi qahö melenj engiba nanŋi ahakmeme solanŋan aukŋe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjorat neŋgimapkö könaŋa ahök. Sepŋi mokoyöhi, mi möt nariinga mewö mianjön siŋgisöndoknini mosöri solanibin.

²⁶ Könaŋi mi nalö kewöŋe aukŋe asuhumapköra möta Jisös mewö ak waŋgiyök. Anutugö ahakmeme solanŋi mi kewö: Nanŋak solanŋi akza aka kunŋan Jisös möt narizawi, mönö yaŋgö keuŋi jim teköiga solanimakza.

²⁷ Mewö aiga mönö wanigöra silenini mem öŋgöbinak? Yuai kungöra aka qahöpmaöp. Köna keu wuatangöba solanŋi akingöra mi osizin. Mewö solanŋi qahö akinmö, Jisös möt nariinga Anutunöŋ neŋgeka keunini jim teköiga solanimakin.

²⁸ Keu ki jim teköba kötŋi kewö jim köhöizin: Köna keu wuatangömakzinaŋgöra qahöpmö, Jisös möt narim waŋgizinaŋgöra aka Anutunöŋ keunini jim teköiga solanimakin.

²⁹ Anutunöŋ Juda neŋgö Anutuninanök qahö akza. Mönö kantri tosatŋi yeŋgö Anutuŋina mewöyök akza me qahö? Mönö yeŋgö Anutuŋina mohot akza.

³⁰ *Anutunöŋ mohot akza. Mianğöra silenini yandiget maljini, neŋön möt narim waŋgiinga mem solanim neŋgimakza aka silenini qahö

* **3:30:** Dut 6.4; Gal 3.20

yandiget maljei, mi mewöyök möt narim waŋgigeranğöra aka mem solanim enğimakza.

³¹ Mötnarimegö keu jiba mianjon kungum enğiba mewö mianjon Köna keu memba et alinga omani akña me qahö? Mi yapmakek qahöpmö, Anutugöreñ Köna keu mi qahö qeapkömakzinmö, mi mem köhöimakzin. Mewö.

4

Abrahamnön Anutu möt nariba solanji ahök.

¹ Nini bömön jalönini Abrahamgö könañanğöra denöwö jibin? Yanjon Anutugö könañi denöwö miwikñaiba yangö jeñe solanji ahök?

² Ölña, Anutunön yangö keunji ahakmemeñi ölöpnanğöra aka jim teköiga solanibawak ewö, yanjon mianğöra ölop silenji memba öngöbawakmö, mi Anutugö jeñe qahö.

³ *Mianğö keunji Buña Kimbinön kewö ohoget ahöza, “Abrahamnön Anutu möt nariiga mötnariñi ehi dop köliga keunji jim teköiga solaniyök.” Keu mewö ahöza.

⁴ Keunji mönö kalema jim teköiga solaniyökmö, kunjan nup meiga galömnjan töwañi kalema qahöpmö, nup memakzawangö dop ek kewöta töwañi waŋgimakza.

⁵ Gölme galömnön mewö waŋgimakzapmö, Anutunön anğöjörak ambazip neñgö keunini jim teköiga solanimakin. Mianğöra kunjan oyaenköyaen akñamğöra nup qahö memba Anutu öne möt narim waŋgizawi, Anutunön mönö

* **4:3:** Jen 15.6; Gal 3.6

mötnaripñi mi ehi dop köliga keuñi jim teköiga solanima.

⁶ Deiwidnöñ mewöyök keu miangö könañi nañgöba keu kewö indela jiyök, “Kunñan oyaenköyaen akñamgöra nup qahö meiga Anutunöñ mötnaripñi ehi dop köliga keuñi jim teköiga solanizawi, yañön mönö simbawoñ akza.”

⁷*Mewö jiiga keuñi mi kewö ohoget ahöza, “Ambazip Köna keu walöngetka Anutunöñ siñgisöndokñini mosöta köl köñjörari maljei, yeñön mönö simbawoñ akze.

⁸ Kembunöñ kungö siñgisöndokñi sañgoñda ehi dop köliga likepñi qakñe qahö ali öngömawi, yañön mönö oyaenköyaen akza.”

Keu mewö ahöza.

⁹ Anutunöñ oyaenköyaen akingö könañi mewö indela Anutugö aiwesökñinambuk neñgörök jii ahöza me qahö? Mi qahö. Mi mönö kantri tosatñi aiwesökñini qahö yeñgöra mewöyök ahöza. Neñön lök kewö jiba ohozin, “Abrahamnöñ Anutu möt nariiga mötnaripñi ehi dop köliga keuñi jim teköiga solaniyök.”

¹⁰ Mönö wani nalönöñ ehi dop köliga keuñi jim teköiga solaniyök? Anutugö aiwesökñi silene yandiget malöhi, nalö miangören qahöpmö, mutuk öne malöhi, Anutunöñ mönö nalö miangören mötnaripñi ehi dop köliga keuñi jim teköiga solaniyök.

¹¹*Mutuk öne mala Anutu möt nariiga keuñi jim teköiga solaniyök. Miangö andöñe dop köljawangö aiwesökñi mi silene yandimegöra jiiga muñgem

* **4:7:** Sum 32.1-2 * **4:11:** Jen 17.10

supap ewö ahök. Mewö aiga yangö andöŋe Anutugö aiwesökkinambuk qahö mala möt narim waŋgiinga mötnaripnini ehi dop köliga keunini jim teköiga solanibini, Abrahamnön körek neŋgö bömön jalönina ahök.

¹² Bömön jalönini yaŋön öne mala nalö mianğoreŋ uruŋi melenđa Anutu möt nariba malöhi, nini aiwesökkinambuk yangö dop aka maljin. Anutugö aiwesökkinambuk mala urunini melenđa maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupŋi wuatangöba möt narimakzin. Mewö.

Anutugö jöhöjöhö keu möt nariinga ölhambuk akŋa.

¹³ *Anutunön Abraham gölme buŋa qem waŋgiiga tonji aiga gwölönarökurupŋan yangö andöŋe mewö mal öngömegö keuŋi jiba jöhöyök. Keu mi Köna keu wuatangöyöhangöra aka qahö jiyökmö, Anutunön mötnaripŋi ehi dop köliga keuŋi jim teköi solanŋi ahöhangöra keu mi jiyök.

¹⁴ *Tosatŋan oyaenƙoyaenƙ akingöra Köna keunön qekötahöba mewö mianjön Anutugöreŋ yuai mi buŋa qem aŋgubeak ewö, yeŋön mönö möt naribingö keuŋi qeapkögetka omani akawak. Mewö Anutugö jöhöjöhö keugöra qahö osiinga keu mianjön omani akapuk.

¹⁵ Anutugöreŋ Köna keu walönninga irimŋi seholiiga kazikŋan qaknine öngömakzapmö, Köna keu

* **4:13:** Jen 17.4-6; 22.17-18; Gal 3.29 * **4:14:** Gal 3.18

qahö ahöbawak, mewö singisöndokö keunji qahö jibinak.

16 *Abrahamnöŋ mewö mindirim neŋgiba körek neŋgö bömöni akza. Miangöra jöhöjöhö keunji neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö möt narimakzini, neŋgöreŋ mewöyök öljambuk akŋapköra mörök. Miangöra Anutunöŋ jöhöjöhö keunji mi kewö areŋgöba alök: Mi möt nariinga öljä körek neŋgöra kalema neŋgiiga kalem möriamŋan aukŋe asuhumakza.

17 *Abrahamgö keunji kun mi Buŋa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu miangö dop Abrahamnöŋ Anutugö jeŋe iwi ak neŋgimakza. Anutunöŋ kömukömunji mem gulim eŋgimakza. Könagesö malmalŋini qahö, mi jebuk maljeaŋgö tandök ewö eŋgoholi asuhumakze. Abrahamnöŋ mönö Anutu mewöŋi möt narim waŋgiyök.

18 *Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋamgö mamböta malök. Jöhöjöhö keu mutukŋaŋgö dop asuhumapköra mönö Anutu möt narim waŋgiba malök.

19 *Saragö köröŋan morö memegö dop qahö aiga nanŋak yambuŋi lök 100:kö dop ahök. Miangöra

* 4:16: Gal 3.7 * 4:17: Jen 17.5 * 4:18: Jen 15.5 * 4:19: Jen 17.17

nanŋi mötmöriiga lök azi namŋi silenŋi waziba sohosoholiŋi ahökmö, töndup Anutugöreŋ keunöŋ ölnambuk akŋapköra möt narim waŋgiba maliga Abrahamgö mötnariŋŋan qahö sörauba löwöriyök.

²⁰ Qahö löwöriyökmö, keuŋan ölnambuk akŋapkö möt nariba miangöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnariŋŋan köhöiiga Anutu möpöseiba maliga Anutugö qetbuŋaŋan sehiyök.

²¹ Anutunöŋ yuai asuhumapkö keuŋi jiba jöhöba mi ak tekömamgö köhöimakzawi, mi möt köhöim teköba uruyahöt kun qahö aka malök.

²² Mewö aka malöhaŋgöra Anutunöŋ Abrahamgö mötnariŋŋi ehi dop köliga keuŋi jim teköiga solaniyök.

²³ Mötnariŋŋi ehi dop köliga keuŋi jim teköiga solaniyöhi, keu mi Abrahamgörök qahö ohoget ahöza.

²⁴ Abrahamgörök qahöpmö, neŋgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim waŋgiinga mötnariŋŋini ehi dop köliga jim teköm neŋgiiga solanibin.

²⁵ *Anutunöŋ neŋgö siŋgisöndok-ninaŋgöra aka Jisös qahö anŋön köli kömuyök aka solanŋi akingöra aka mem guliiga kömupnöhök wahöta malja. Mewö.

5

Anutugö jeŋe solaniba söŋgaiba luainöŋ maljin.

* 4:25: Ais 53.4-5

¹ Neñon Anutu möt nariinga keunini jim teköiga solanizin. Mianğöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin.

² Mewöyök Jisös Kraist möt nariinga nam köl neñgiiga kalem möriam buña qem anğubingö könañi miwikñaiba nalö kewöñe kalem möriam uruñe maljin. Anutugö asakmararañ uruñe anğotpingö jörömqöröm aka söngaimakzin.

³ Mianğörök qahö söngaimakzinmö, wahöjalın möta mianğöra mewöyök söngaimakzin. Könjilin möta mökösöñda mewö mianñon kapañkölköl miwikñaibin. Mi möta mianğöra söngaimakzin.

⁴ Kapañkölköl miwikñaiba esapesapnöñ köhöiba kinbin. Esapesap-nöñ köhöiba kininga jörömqörömninan köhöimakña.

⁵ Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Mianğöra jörömqöröm aka oyaenköyaen akingö al mamböta gamumamusum qahö miwikñaibin.

⁶ Mianğö könañi kewö: Nini mutuk lölöwöröñi ösumnini qahö malini, Kraistnöñ mönö nalö diñdiñi mianğöreñök kömumba ambazip anğöjörakninambuk neñgö sohopenini meyök.

⁷ Kunöñ Köna keu törörök wuatañgöba diñdiñi akzawi, ala mewöñañgöra kunñan ölop qahö kömumbawak? Mi möriğa osibawakmö, kunöñ urukalem gwötpuk ambazip ak enğimakzawi, alañi kunñan yañgöra aka ölop silenji köleñda kömumangö mötpawak.

⁸ Ambazipnöñ mewö ahakzinmö, Anutunöñ uruñan jöpaköm neñgimakzawi, yañon mi kewö

kondelök: Yanön Kraist melaiiga eta mutuk anğöjörak ambazip malini, nalö mianğöreñök mönö neñğöra aka kömuyök.

⁹ Kömuiga nalö kewöñe seņñan saņğonđa jim teköm neñgiiga solaniba maljin. Töndup mi korembenji ewö aiga ölnan mönö könanğep kewö asuhuma: Anutunöñ siņgisön-dokö urukönöpñi aukñe kondeliga yuai kanjamñambuk gölmenöñ asuhuma. Mi asuhuiga Anutugö jeñe solanñi akzinanğöra Jisösnöñ mönö jeñbereren mianğöreñök meköm neñgiiga oyaenkyoaen akin.

¹⁰ Nini mutuk Anutugö kerökurupñi malini, nalö mianğoreñ nanñi Nahönñi melaii kömumba mianön töwanini ahiga Anutubuk ala-ala ahin. Ahini, mianön korembenji akzapmö, ölni bohonñan könanğep kewö asuhuma: Töwanini ali Anutugö alaurupñi malinga Jisösnöñ köhöiba maljawanğöra mönö amqeba meköm neñgiiga oyaenkyoaen akin.

¹¹ Kembunini Jisösnöñ Anutugö amötqeçe nupñi meiga Anutunöñ töwanini ali yambuk ala-ala ahini, miyöhök qahöpmö, ölna Anutubuk jöpaköm anğuba kinda köirañ köla söñgaimakzin. Mewö.

Adamğöra aka köhömuñi akzinmö, Kraistköra aka gulibin.

¹² *Azi mohotnöñ siņgisöndok gölmenöñ kondoriga asuhuyök. Anutunöñ siņgisöndok mianğö likepñi aliga kömup asuhuyök. Mianğö dop ambazip körek neñön siņgisöndok aka malinga kömupnöñ mianğöra ambazip körek pakpak dop köl neñgii maljin.

* 5:12: Jen 3.6

13 Mutuk Köna keu qahö asuhuiga nalö miangören mewöyök siŋgisöndok lök aukne asuhuba ahöyökmö, Köna keu qahö ahöiga siŋgisöndokö keuŋi mi qahö jim kewöta laŋ malget.

14 Adamgö nalöneyök könahiba laŋ mala kotketka Mosesgö nalöne Köna keu asuhuyök. Ambazip nalö sutne miangören siŋgisöndok aketmö, Adamnöŋ köna walöŋnöhi, miangö dowök qahö walöŋda malgetmö, kömupnöŋ töndup i mewöyök galöm köl enġii malget.

Adam, azi mutukŋi yaŋön mönö azi kun kamawaŋgö söpsöpŋa ahök.

15 Söpsöpŋa ahökmö, könaŋiri mi öröröŋ qahö akzahot. Adamnöŋ Köna keu walöŋda eri siŋgisöndok asuhum sehiba ambazip gwötpuk dop köl enġiiga kömumba malget. Mi kömupkö könaŋi akzapmö, oyaenköyaen akingö könaŋi mi kun. Mi kewö: Azi mohot Jisös Kraist yaŋön nam köl neŋgiba kalem möriamŋi indeliga Anutugö kalemŋan aukne asuhuba ambazip gwötpuk dop köla qesalöpköm neŋgiyök.

16 Toroqeba kewö jimam: Köna yahöt mi öröröŋ qahö akzahot. Azi mohotnöŋ siŋgisöndok aiga Anutunöŋ keuŋi jim teköiga siŋgisöndok ambazip körek neŋön könöp siagö buŋaya akzin. Mi gölme azigö könaŋi akzapmö, Suep azigö könaŋi mi kun. Mi kewö: Nalö gwötpuk Anutugö Köna keu walöŋninga kalemŋi kondela jim teköm neŋgiiga solanimakzin.

17 Mi dumge jimam: Azi mohotnöŋ Köna keu walöŋda kömup kondoriga ambazip körekmakörek kömumba maljin. Adamgö siŋgisöndoköra aka kömupnöŋ körek dop köla galöm köl neŋgi laŋ

malin. Mi köna etqegeñi akzapmö, Anutu ösum-mumuñanğö könanji mi kewö: Ambazip nini solanji akingö kalemñi mi kelenmaleleñ buña qem anğuba kalem möriamñanğö uruñe maljini, neñön mönö oyaenköyaen akin. Azi mohot Jisös Kraist yañön nanğöba inahöm neñgiiga suahö *

18 Dumge kunbuk jimam: Azi mohotnöñ Anutugö Köna keu walönđa eri Anutunöñ keunji jim teköiga ambazip körek neñön könöp siagö buñaya ahin. Mewöñanök azi kunñan solanji akingö kondoriga urunini melenñinga Anutunöñ ölop ambazip pakpak neñgö keunini jim teköiga solaniba köhöiba mal öngöbin.

19 Dumge kunbuk kewö jimam: Azi mohotnöñ qeçetal aka siñgisöndok bohon köli sehiiga ambazip sehisehiñi neñön melenđa siñgisöndok ambazip ahin. Mewöñanök azi kunñan Anutugö jitñi tem köla siñgisöndokninanğö töwanji aliga köna asuhuiga Anutunöñ ambazip sehisehiñi neñgö keunini jim teköiga solanibin.

20 Mutuk öne lañ mala kotketmö, Mosesgö nalöñe Anutunöñ Köna keu ambazip siñgisöndokñini möt kutumegöra toroqem enğiyök. Mi toroqem enğiyökmö, mi mötketka siñgisöndokñinan sehiba aukñe asuhuyök. Mewö aiga Anutunöñ mönö kalem möriamñi mewöyök mem sehiiga siñgisöndok onğita asuhuyök.

21 Siñgisöndokö kukösumñi mi ketanji. Mianğöra siñgisöndok ahinga mianñön galöm köl neñgiiga köhömuñi mala kömumba mala korin. Anutugö

* **5:17:** Jembon onji nene (Siawari keunöñ qariwe ilikñi nene) ewö köhöiba mal öngöbin.' ewö köhöiba mal öngöbin.

kalem möriamñi mianñon mönö mewöñanök kukösunñambuk akza. Jisös Kraist Kembuninan solanibingö kondoriga Anutunöñ keunini jim teköiga diñgiba malmal köhöikñi miwikñaiba nalö teteköñi qahö mal öngöbin. Mewö.

6

Singisöndok andö qeba Kraistpuk guliba malme.

¹ Anutunöñ kalem möriamñi neñgii sehimapköra singisöndok toroqeba aka malbin me qahö? Mianğöra mönö denöwö jiinga dop kölma?

² Singisöndok yapmakek! Nini singisöndokö kösönöhök lolohoba urunini walñan qamöt ewö aiga singisöndok akingö tököba maljin ewö, mönö denöwögöra singisöndoknöñ toroqeba galöm köl neñgii malbinak?

³ Keu ki mötze me qahö: Nini körek Kraistkören qeköta-höbingöra aka o melun mem neñgiget. Mianğoreñ urunini walñan mönö Jisös qeget kömuyöhangö tandök kömui malbingöra o melun mi mem neñgiget.

⁴ *Iwinöñ asakmararañi kondela Kraist mem gullii kömupnöhök wahöröhi, neñgö uruninan mewöyök kölönaiiga dölökñi aka malinga dop kölma. Iwininan nini Kraistkö tandök ewö guliba wahöta ahakmeme dölökñi aka memba malbingöra mötza. Mianğöra o melun mi kewögöra mem neñgiget: Urunini walñan Jisösbuk mohotñe kömumba ahömapköra urunini walñi mi mewö löm kölget.

* 6:4: Kol 2.12

⁵ Urunini walɗan Kraistpuk örörön kömui mianğoreɗ yambuk qekõtahöba maljin ewö, Iwininan nini mewöyök Kraistpuk kinbingöra mötza. Kraistnön kömupnöhök wahöröhi, mönö yangö tandök örörön guliba malinga dop kölma.

⁶ Urusilegö sihim kömbönaɗnini bölöɗan siɗgisöndok akingö köpösöngömakzawi, Anutunön sihim mi köndeɗni gemapköra mörakza. Anutunön siɗgisöndoknön toroqeba galöm köl neɗgii welenni qeba malbinbuköra mötza. Mianğöra urunini walɗi mi Kraistpuk maripomnön lök qeiga kömuyök. Mianğö dop maljin, mi mötzin.

⁷ Kungö uruɗi walɗan kömuiga yaɗön mönö siɗgisöndokö kösönöhök lolohoba malja.

⁸ Urunini walɗan Kraistpuk kömuyök ewö, mewöɗanök yambuk guliba mal köhöibingö möt narizin.

⁹ Mewö möt nariba Kraistkö könaɗi kewö ahöi möt yaközin: Anutunön i mem guli kömupnöhök wahöta mal köhöiba kunbuk qahö kömuma. Kömupnön i qahö toroqeba galöm kölīga mal öngöma.

¹⁰ Kömup kömuyöhi, mewö mianğön mönö nalö mohot mianğoreɗ siɗgisöndokö kukösumɗi köndeɗniga nalö teteköɗi qahö lölöwöröɗi ahöm öngöma. Malmal köhöikɗi maljawi, mi mönö Anutugöra mala mal öngöma.

¹¹ Qamötnön siɗgisöndok akingö osime. Inini mönö mewöɗanök nanninaɗgö mötketka qamöt ewö aiga Kraist Jisösbuk qekõtahöba kinda Anutugöra köhöiba malme.

¹² Sileɗini kömumawi, mianğö sihim kömbönaɗi bölöɗan galöm köl eɗgiiga i tem köl waɗgiba

siŋgisöndok akepuköra mi mönö jöhöba malme.

¹³ Mianğöra sile kitipņini pakpak mi mönö siŋgisöndok Toņaŋgö böröŋe kude alme. Mala mewö algetka buņani aiga bohon kölīga aŋğöjörak asuhubapuk. Mewö qahöpmö, köhömuŋeyök gulibagun mönö nanņini Anutu tököm waŋgime. Sile kitipņini pakpak mi Anutugö böröŋe algetka buņani aiga bohon kölīga ahakmeme solanņi asuhumakņa.

¹⁴ Inini Köna keu bapņe qahöpmö, kalem möriam uruņe malje. Mianğöra siŋgisöndoknöŋ mönö öne jöhöba galöm köl eŋgii malbepuk. Mewö.

Solanņi malmalgö Toņi welen qeba malme.

¹⁵ Mianğöra denöwö jibinak? Nini Köna keu bapņe qahöpmö, kalem möriam uruņe mala siŋgisöndok ahinga dop kölja me qahö? Mi yapmakek!

¹⁶ To yahöt akzahot. Nanņini yetköreŋök kungö böröŋe al aŋguba jitņi tem köla welenņi qemakzei, mianğöra mönö keu ki möt yaköme: Inini kun jitņi tem kölakzei, mönö yaŋgö welenqequeurupņi akze. Siŋgisöndok Toņaŋgö welenqequeurupņi akze ewö, yaŋön mönö eŋguaŋgiriga kömum köhöime. Anutugö jitņi tem köla welenņi qemakze ewö, yaŋön mönö keuņini jim teköiga solanņi aka mal öŋgöme.

¹⁷ Inini mutuk siŋgisöndok Toņaŋgö welenqequeurupņi aka malget. Mewö malgetka Buņa keu mindiŋgöm eŋgimakņapköra kusum eŋgigetka mötket. Mi möta mianğö dop uruņini melenđa nalö kewöŋe Buņa keu törörök tem köla Anutugö könaņi wuatangömakze. Mewö möta eŋgöra “Anutu saiwap!” jiba maljin.

18 Mi wuatangöba singisöndokö kösönöhök lolohoba Anutugö welenji qeba ahakmeme solanji aka memba malje.

19 Urusileninan lölöwöröni akzawangöra aka keu miangö könanji mi mönö gölme ambazip nenjö keu jijigö dop nöjön kewö jimam: Inini mutuk sile kitipnini pakpak tököba iwilele Tonangö (Satangö) böröñe ala welenji qeba malget. Mewö malgetka ahakmeme anğöjörakñambuk asuhuiga uruninan tölöhoi malget. Mewö malgetmö, nalö kewöñe sile kitipnini pakpak mi mönö tököba Anutugö böröñe alme. Mewö ala welenji qegetka ahakmeme solanji asuhuiga sarakñi ahakñe.

20 Inini singisöndok Tonangö welenqeçeurupñi malgeri, nalö miangören ahakmeme solanji mi qahö wuatangögetmö, nanñini imbi-imbi lañ malget.

21 Nalö kewöñe ahakmeme miangöra gamunini mötsemö, nalö miangören mewö aka mala ölni mönö denöwö miwikñaiget? Ahakmeme gamunambuk miangö ölni mi kömup köhöikñi.

22 Nalö kewöñe Anutunöñ singisöndokö kösönöhök pösat enğiiga lolohoba Anutugö welenqeçeurupñi aketka ölni asuhuiga sarakñi ahakze. Mewö aka malmal köhöikñi mala teteköñe oyaenköyaen aka mal öngöme.

23 Singisöndok ahinga Tonan töwa nenğiiga kömup köhöikñi miwikñaibinmö, Anutugö kalemñi mi oyaenköyaen malmal. Kraist Jisös Kembuninambuk qekötahöba kinbin ewö, mönö köhöiba teteköñi qahö mal öngöbin. Mewö.

7

Awanöm malmalgö söpsöp keu

¹ O urumelenj alaurupni, injini Köna keu mötzeanğö dop engöra kewö jimam: Köna keunöŋ ambazip jöhöm neŋgiza. Gölmenöŋ mal öŋgöbinanğö dop mönö mianğö bapŋe malbin, injini mi mötze me qahö?

² Mianğö söpsöpŋi kun kewö: Köna keunöŋ ambi apŋambuk jöhöiga azinöŋ malmawanğö dop awanöm malmahotmö, apŋan kömuma ewö, anömŋan mönö awanöm malmalgö Köna keunöhök lolohoma.

³ Mianğöra apŋan jebuk maliga azi kungöra On! jiiga mema ewö, yangö qetŋi mönö qesabulum ambia jimakzin. Mewö jimakzinmö, apŋan kömuma ewö, Köna keu mianjön qahö toroqeba jöhöi malma. Mewö mala azi kun memawi, yaŋön mönö qesabulum ambia qahö akŋa.

⁴ Mianğöra urumelenj alaurupni, engö könaŋamŋinan mönö mewöŋanök ahöza. Injini mewöyök azi kungö buŋaŋi akŋegöra Kraistpuk qekötahöget. Anutunöŋ i mem gulii kömupnöhök wahöriğa malmalninan ölni Anutugöra miwikŋaii asuhumapköra mörakza. Kraistnöŋ kömuiga uruŋini walŋan yambuk kömuiga qamöt ewö aka Köna keugö buŋaŋi qahö malje.

⁵ Mutuk urusilegö sihim kömbönaŋi bölöŋan galöm köl neŋgiiga laŋ malin. Nalö mianğöreŋ Köna keunöŋ sölölohöba kuŋgum neŋgiiga siŋgisöndok akingö sihim kömbönaŋnini bölöŋan asuhum tiŋgita galöm köl neŋgiget. Mianğöra urusileninan

wahöriga malmalninan kömup köhöiknangö ölni miwikñaiba lan malin.

⁶ Mewö malinmö, mutuk keu mianjon jöhöm nenngiiga gwaröne mala köna keugö bohonji mohot mohot wuatangöbingö kapan köla nupji memba malin. Kraistpuk qekötahöba kininga urunini waljan yambuk kömuiga nalö kewöne köna keugö buña ahinangörenök lolohoba kunbuk welenni qahö qemakzin. Nalö kewöne könanamninan kölönaiiga Uña Törönan inahöm nenngiiga amqeba Anutugö nupji memakzin. Mewö.

Singisöndok akinbukö kapan köla aum-mörimakzin.

⁷ *Miangöra denöwö jibinak? Köna keu nanjak singisöndok-ñambuk akza me qahö? Mi yapmakek! Köna keunöñ mönö singisöndokö könanji kondel ninngiiga möral. Köna keu kun kewö ahöza, “Kungören yuaigöra kude köpösöngöman.” Mewö qahö jibawak ewö, nöñon yuaigö köpösöngömakzali, miangö könanji qahö möt kutubilenjak. Miangöra Köna keu qahö möt kutubilenjak, mewö singisöndok qahö möt yaköbilenjak.

⁸ Köna keu qahö ahöbawak, singisöndoknöñ mönö keu omanji aka köhömunji akawak. Mewö akawakmö, jöjöpan keu mötpiga sel jöhöm ninngiiga mi walöñmamanö könanji ahuiga singisöndok aki asuhuyök. Jöjöpan keunöñ mönö kungum ninngiiga urunan wahöriga sihim kömbönanjni bölöñji könanji könanji asuhum tingitketka bölöñangöra lan köpösöngömakzal.

* 7:7: Eks 20.17; Dut 5.21

⁹ Mutuk Köna keu qahö möta tönpin malalmö, jöjöpaŋ keu mötpiga mianjön anjön köl niŋgiyöhaŋgöra siŋgisöndokö sihimnan guliiga urunan wahöri mi ahal. Siŋgisöndok akiga mem kömum niŋgiiga köhömuŋi ahal.

¹⁰ Anutunöŋ jöjöpaŋ keu mi wuatangöba mal köhöimamgöra aka al niŋgiyökmö, keu mi wuatangömangö esapköbiga mem kömum niŋgiiga köhömuŋi ahal. Köhömuŋi ahali, mianjön mönö aukŋe asuhui miwikŋaial.

¹¹ *Jöjöpaŋ keu möt kutubiga sel jöhöm niŋgiiga mi walöŋmamaŋgö könaŋi ahui jöjöpaŋ keunöŋ kuŋgum niŋgiiga siŋgisöndoknöŋ tilipköm niŋgiiga mi ahal. Siŋgisöndok aka keunambuk ahal. Mewö mianjön Anutugö jöjöpaŋ keu mianjön siŋgisöndok bohon köliga aki mem kömum niŋgiiga köhömuŋi ahal.

¹² Mewö ahalmö, töndup Köna keu mianjön mönö kömbukŋi aka sarakŋi akza. Miangö jöjöpaŋ keuŋan mönö diŋdiŋi aka ölöpŋi akza.

¹³ Mewö aiga jöjöpaŋ keu ölöpŋi mianjön mem kömum niŋgiiga köhömuŋi ahal me qahö? Mi yapmakek! Keu ölöpŋan qahöpmö, Köna keunöŋ mönö nani siŋgisöndoknaŋgö könaŋi indeli möt kutuyal. Siŋgisöndokö gamuŋi aukŋe asuhui kanjamambuk mötmamgöra aka jöjöpaŋ keu mianjön siŋgisöndokö selŋi jöhöiga urunan wahöri walöŋda siŋgisöndok ahal. Nani siŋgisöndokni mianjön mönö mem kömum niŋgiiga köhömuŋi ahal. Mewö.

Uruna siŋgisöndokö yarö ahöi maljal.

* **7:11:** Jen 3.13

14 Uŋa Töröŋan Köna keu neŋgiiga diŋdiŋi akzawi, mi mötzinmö, nöŋön ŋiŋgisöndok azia aka sihim kömbönaŋni bölöŋambuk akzal. Eta kölbiga ŋiŋgisöndoknöŋ galöm köl niŋgiiga tem köla welenni qeba ŋiŋgisöndok ahakzal.

15 *Miaŋgöra yuai ölöŋŋi akŋamgö mörakzali, mi qahö ahakzal. Mimö, yuai bölöŋŋi akŋamgö tököba sisitŋi memakzali, mönö mia ahakzal. Miaŋgöra yuai ahakzali, nöŋön miaŋgö könaŋi ölöŋ qahö möt kutumakzal.

16 Miaŋgöra yuai bölöŋŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

17 Mewö aiga nöŋön nanak mi qahö toroqeba ahakzalmö, ŋiŋgisöndok urune ahözawaŋön mönö kuŋgum niŋgiiga mi ahakzal.

18 Ahakmeme ölöŋŋi akŋamgö sihimŋi öŋa mörakzalmö, mi akŋamgö ösumnan qahö asuhum niŋgimakza. Miaŋgöra nöŋgö urune yuai ölöŋŋi kun qahö ahözapmö, urusilenan mönö ŋiŋgisöndok akŋamgö kuŋgum niŋgimakza, mewö mötzal.

19 Miaŋgöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋŋi qahö akŋamgö mörakzali, mönö mia ahakzal.

20 Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, ŋiŋgisöndok urune ahözawaŋön mönö kuŋgum niŋgiiga mia ahakzal.

21 Miaŋgöra nani könani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋaŋgö sihimŋan mönö uruni jöhöiga qakömakzal.

* 7:15: Gal 5.17

22 Mianğö könañi kewö: Uruneyök göröken Anutugöreñ Köna keugöra urumohot aka tem kölmanğö mörakzal.

23 Mewö mörakzalmö, sileneyök göröken nani könañamni kewö ahöi miwikñaimakzal: Silenangö kitipñi mienñon siñgisöndokö bohonñi aketka akñamğö mörakzal. Siñgisöndok akñamğö sihimnan mönö urusihimni ölöpnji mi memba et almapköra möri auba yarö qemakzahot. Siñgisöndok akñamğö sihim kömbönañnan mönö silenangö kitipñi kitipñi sölölohöm enğiba jöhöm niñgiiga kösö gwarönöñ maljal.

24 O nöñon bölim teköba anğöjöraknambuk akzal. Urusilenangö sihimñi bölöñan noanğiri kömup köhöikñi kömumbilenbuköra mönö danñon sohopni memba amöt qem niñgibawak?

25 O Jisös Kraist Kembuni, mönö yambuk nam köla “Anutu saiwap!” jizal. Könañamnan mewö aiga nanak urunanöhök Anutugöreñ Köna keugö bapñe anda welenñi qemakzalmö, sileni siñgisöndokñambuk mianğöreñ göröken siñgisöndok akñamğö sihim kömbönañnan jöhöm niñgiiga mianğö kösö gwarönöñ maljal. Mewö.

8

Uña Töröñan tim töndanini aiga mal köhöizin.

1 Mianğöra ambazip Kraist Jisösbuk qekötahöba kinjini, Anutunöñ mönö neñgö keunini jim teköiga nalö kewöñe könöp siagö buña qahö aka maljin.

2 Mianğö könañi kewö: Gi siñgisöndokö sihimñi tem köla malnöñangöra aka kömup köhöik-ñangö buñaya aka malnöñ. Mewö malnöñmö, Kraist

Jisösbuk qekötahöba kinönga malmal köhöikñangö Uñañan mönö kömup köhöikñangö kösönöhök pösat gihiiga maljan.

³ Ambazip urusilenine sihim kömbönañnini bölöñi mi ahöza. Mi wuatangöinga Köna keugö ösumñan löwöriba malmal köhöikñi neñgimapkö osiiga qaköin. Qaköba urusileninan siñgisöndok aka malini, Anutunöñ siñgisöndok miangö keuñi jim teköba likepñi kewö melenök: Yanön nanñi Nahönñi melaiiga gölmenöñ eta siñgisöndok azigö sile tandök ahök. Toroqeba siñgisöndokö jöwöwöl tandök ewö aiga ohogetka kömuyök. Anutunöñ malmal köhöikñangö könañi mewö mesarök.

⁴ Anutunöñ könañi mi kewögöra mesarök: Köna keunöñ nini solanñi aka diñdiñi malbingöra jim kutum neñgimakzawi, Anutunöñ keu miangö ölnan neñgöreñ asuhum tekömapköra mörök. Miangöra nini urusileninañgö sihim kömbönañnini bölöñi wuatangöbingö tököba Uña Töröñangöreñ nañgöba jitsihitñi wuatangöba ahakzin.

⁵ Ambazip urusileninañgö sihim kömbönañi bölöñi wuatangömakzei, yengö uruninan mönö siñgisöndököreñ göröken akingö ahöza. Ambazip Uña Töröñangöreñ nañgöba jitsihitñi wuatangöba ahakzini, neñgö uruninan mönö Uña Töröñangöreñ göröken akingö ahöza.

⁶ Urusileninañgö sihim kömbönañnini bölöñan mönö öröm neñgiiga kömup köhöik-ñangöreñ anbingöra ahözapmö, Uña Töröñan urunine luai qeiga mal köhöibingö sihimñi mörakza.

⁷ Anutunöñ Köna keu neñgiiga siñgisöndok akingö sihim kömbönañninan mönö keu miangö bapñe

qahö anakza. Mi anmamgö osiza. Mi osiga laŋ mala uruninan Anutu qetala kerök ak waŋgimaksin.

⁸ Ambazip urusilegö sihim kömbönaŋinan galöm köl engigetka laŋ maljei, yeŋön mönö Anutugö jeŋe dop kölbिंगö jiiga qaköme.

⁹ Yeŋön qakömemö, Anutugö Uŋa Töröŋan engö uruŋine malja ewö, yaŋön mönö galöm köl engii malje. Urusilegö sihim kömbönaŋini bölöŋi mienön mönö iŋini qahö galöm köl engimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza.

¹⁰ Qahö akzapmö, Kraistnöŋ engö uruŋine malja ewö, silenjanan siŋgisöndoköra aka kömumemö, uŋaŋinan solanŋi akzeangöra aka mal köhöim öŋgöme.

¹¹* Anutunöŋ Kraist Jisös mem gulii kömupnöhök wahöröhi, yaŋgö Uŋaŋan uruŋine malja ewö, yetkön iŋini Anutubuk qekötahöba kingetka silenini köhömuŋi mi mewöyök mem gulimahot.

¹² O urumelenj alaurupni, guliba maljinangöra neŋön mönö Anutugöreŋ tosabuk maljin. Urusilegö sihim kömbönaŋini bölöŋi wuatangöbinaŋgö tosaŋi qahöpmö, Uŋa Töröŋangö jitŋi tem köla malbingö tosaŋan mönö ahöm nengiza. Miangöra nanini imbi-imbi laŋ malbinbuk.

¹³ Urusilegö sihim kömbönaŋini bölöŋi wuatangöba malje ewö, iŋini mönö kömup köhöikŋangö buŋaya akŋe. Mewö akŋemö, Anutugö köulukögetka Uŋa Töröŋan urusilenjanangö

* **8:11:** 1 Kor 3.16

ahakmeme bölöni mem kömumakña ewö, mewö mianjön mönö guliba mal köhöiba malme.

14 Anutugö Uñajan ambazip enğuangiri maljei, yeñön körek Anutugö nahönbö-raturupni akze.

15 **Ömewöröme yeñön ambazip sölölohöm engigetka jönomni undui welenqege omani aka maljemö, injini öme mewöni mia kun qahöpmö, Uña Töröni i buña qem aņguba malje. Mianğöra injini mönö kunbuk toroqeba kenğöt qakne malbepuk. Uña Töröni yañön mönö mem letot enğiiga Anutugö nahönböraturupni akze. Uña mianjön sölölohöm nenğiiga Anutugöra “Aba *

16 Anutugö nahönböraturupni akzini, keu mi Uña Törönan nannak nanini uñaninambuk imbi köla mohotje naņğöba jimakzahot.

17 Anutugö nahönböraturupni akzin ewö, yañön nanji ambazipurupni nenğöra oyaenköyaen mözözömgöi ahözawi, mi mewöyök buña qem aņgubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem aņgubin. Kraistpuk mohotje sihimbölö mörakzin ewö, mönö mewöyök Kraistkö asakmararañnöñ öñğöba yambuk mohotje asariba malbin. Mewö.

Malmal asakmararañambuknöñ öñğöba malbin.

18 Nalö kewöñe sihimbölö möta maljini, mianjön malmal eretni akza. Könaņgep Kraistkö asakmararañnöñ öñğöba asariba oyaenköyaen malbini, mianjön mönö malmal öñğöñğöni aködamunñambuk

* 8:15: Mak 14.36; Gal 4.6 * 8:15: Gal 4.5-7 * 8:15: Aba mi Arameik keunöñ iwi.' Iwini!' qerakzin.

akŋa. Malmal yahöt mi likeplikap ala kewöt-pinaŋgö dop qahö. Mewö mötmörizal.

19 Anutunöŋ sömbup aka yuai pakpak miwikŋaiyöha ahözei, mienön mönö mamböta Kraistnöŋ kaba Anutugö nahönböraturupŋi meköba kondel enŋiiga asakmararaŋ asuhum enŋimapköra awöweŋgömakze.

20 *Anutunöŋ sömbup aka yuai pakpak miwikŋaiyökmö, mienön mala kömumba ayapköme. Nanŋini sihimŋinaŋgö dop qahöpmö, Anutunöŋ mönö nanŋi sihimŋaŋgö dop mewö areŋgöyök. Yuai pakpak ayapkömemö, töndup jörömqöröm enŋiiga oyaenköyaen kewö asuhumapköra al mambörakze:

21 Anutunöŋ sömbup aka yuai pakpak miwikŋaiyöha ahözei, mienön mönö mewöyök kewögöra mambörakze: Anutunöŋ i mewöyök aŋgöjörak malmalgö kösöneyök pösat enŋiiga qahö kömumba gisahöba ayapkömemö, Anutugö nahönbörat ewö lolohoba asakmararaŋinambuk asariba ahöm öŋgöme.

22 Miangö könaŋi kewö: Anutunöŋ sömbup aka yuai pakpak miwikŋaiyöha ahözei, mienön körek pakpak mönö mohotŋe osongom köla morö memegö masö tandök möta ahöba kota nalö kewöŋe mewöyök ahakze. Mi mötzin.

23 *Anutunöŋ sömbup aka yuai pakpak miwikŋaiyöha ahözei, mienönöhök qahöpmö, Anutugö yambu jeŋiqeŋe ahinga Uŋaŋi kalema neŋgii maljini, neŋön mönö mewöyök uruninan osongom köla maljin. Anutunöŋ

* 8:20: Jen 3.17-19 * 8:23: 2 Kor 5.2-4

neŋguaŋgiri nahönböraturupŋi qainŋi kun akingö mamböta mala osongom ahakzin. Neŋguaŋgita sile sohopnini meiga kunbuk letotpingöra awöweŋgöba maljin.

²⁴ Mewö letotpingö jörömqöröm aka urunini melenja Suepkö buŋaya ahin. Yuaigöra jörömqöröm ahakzini, mianğö ölni asuhui ehinga jörömqörömnini mewö mianğön teköma. Kunöŋ kun yuaigö ölni asuhui eka mianğö jörömqörömŋi mi qahö toroqeba aka mambörakza. Mi qahö.

²⁵ Yuaigö ölnan qahö asuhui ehakzini, mianğöra jörömqöröm akzin ewö, mi mönö kapan köla asuhumapköra al mamböringa uruninan qahö erakza.

²⁶ Mewöŋanök löwöriinga Uŋa Töröŋan bauköm neŋgimakza. Denöwö köuluköinga dop kölbawak, mi qahö mötzinmö, Uŋa Töröŋan mönö nanŋak köuluk nupnine bauköm neŋgiba neŋgöra aka köuluköba keu jitŋi aukŋe qahöpmö, osongom aka saŋepnöŋ alakza.

²⁷ Saŋepnöŋ ala Anutugö jitsihitŋaŋgö dop ambazip sarakŋi neŋgöra aka köulukömakza. Anutunöŋ ambazip urunini ek kewörakzawi, yaŋön mönö amqeba Uŋa Töröŋaŋgö uru mötmötŋi mörakza.

²⁸ Anutunöŋ köulukŋi möta öröyuai pakpak galöm köliga mianğö mindimindiri ölnan mönö nanŋi alaurupŋan ölöwakŋegöra asuhumakza. Mi mötzin. Ölni mianğön ambazip amötqege areŋaŋgö dop eŋgoholi jöpaköm waŋgimakzei, mönö i mewö me mewö bauköm eŋgimakza.

²⁹ Anutugö areŋaŋgö könaŋi kewö: Nanŋi nahönŋan urumelen alaurup sehisehiŋi neŋgö

sutnine mutuknini ak neŋgimapköra mörakza. Miaŋgöra qeljiŋe areŋ ala nini tandökninan Nahönŋaŋgö dop akingöra mörök. Miaŋgöra ambazip qeljiŋe möt neŋgiyöhi, nini mewöyök mewö akingöra jim möwölöhöm neŋgiyök.

³⁰ Qeljiŋe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanŋe asakmararaŋnön öŋgöba oyaenŋkoyaen akin. Mewö.

Anutugö urukalemŋaŋgö möpömöpösei liŋet.

³¹ Keu mi möta miaŋgöra denöwö jibinak? Anutunön sel jöhöm neŋgiba likepnine malja ewö, daŋön mönö qetal neŋgibawak?

³² Anutunön nanŋi Nahönŋi tok qahö aŋgön kölökmö, i jim teköiga malmalŋi körek neŋgöra aka köleŋnök. Mi köleŋniga Anutunön yambuk kalem korembenŋi tosatŋi pakpak mi mewöyök amqeba neŋgima.

³³ Anutunön ambazip nanŋaŋgöra möwölöhöm neŋgiba keunini jim teköiga solanimakzini, miaŋgöra daŋön mönö keu jakene al neŋgibawak?

³⁴ Kraist Jisösnön kömuiga Anutunön kunbuk mem guliiga Suepnön öŋgöba Anutugö böröŋi ölje tata toroqeba neŋgöra aka köulukömakza. Miaŋgöra kunŋan kun keunini kewöta könöp sianön gebingöra jim teköm neŋgimangö osima.

³⁵ Kraistkö urukalem uruŋe malinga daŋön mönö miaŋgöreŋök mendenŋe neŋgiiga etpinak? Kahasililiŋ ak neŋgigetka wahöjaliŋ mötpinakmö, Kraistkö urukalemŋeyök ölop qahö etpin. Sese-werowero ak neŋgibeakmö, miaŋgöreŋök ölop

qahö etpin. Bödi akinak me opo söröninan qahöwahi malbinak, mönö ölop qahö etpin. Kömumbinbukö kenğöt qakņe malbinak me yarö gilgetka kazik asuhubawakmö, mönö ölop qahö etpin.

³⁶ *Miaņgö keuņi Buņa Kimbinöņ kewö ohoget ahöza,
 “Nalö dop söņanök könahiba kömumbingöra neņgugetka anda mala suņgem ahakza. Lamaya eņgum nembinaņgörök maljei, neņgöra miaņgö tandök mötmörimakze.”

³⁷ Keu miaņgö dop ak neņgibeakmö, Kraistnöņ urukalemņi indeli mörini, yaņön töngum neņgiiga lömböt pakpak miaņgöreņ mönö luhut ala köiraņ köla malbin.

³⁸ Yuai kunöņ mönö Kraistkö urukalemņeyök mendeņ neņgimamgö osima. Mi öl töhöņņa möt yaközal. Kömupnöņ me malmalgö yuaini kunöņ mönö mendeņ neņgimamgö osima. Suep garata me ömewöröme yeņön mönö nalö kewöņe me könaņgep nini mendeņ neņgibingö osime. Bem suahö kukösumņinambuk yeņön mi osime.

³⁹ Euyangö euņe me emuyangö emuņe maljei, yeņön mönö mendeņ neņgibingö osime. Anutunöņ öröyuai tosatņi kun miwikņaiyöha ahözei, mienöņ mönö mewöyök Anutugö urukalem miaņgöreņök mendeņ neņgibingö osime. Anutugö urukalemņi miaņön mönö Kraist Jisös Kembunini yangöreņ asuhui indeli, mi mötzin. Mewö.

9

Anutunöņ sihimņangö dop Israel möwölöhöm

* 8:36: Sum 44.22

enġiyök.

¹ Nöŋön Kraistpuk qekötahöba kinda munen keu qahöpmö, keu öl töhönŋi kun jimam. Uŋa Töröŋaŋgö keugöra kezap albi keuni naŋgöba jim köhöiba saŋep urune ali kewö möta jizal:

² Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölo ketanŋi teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini keworiga nanak yeŋgö salupŋini akiga likepŋi melen da nöŋgö qakne kewö öŋgömapkö mötzal: Yaŋön ni Kraistköreŋök mendeni niŋgi könöp siagö buŋaya akŋamgö mötzal.

⁴ *Yeŋön Israel kambu uruŋe malgetka Anutunöŋ enġuaŋgiri buŋaŋi akze. Anutugö qetbuŋaŋi bisiba aködamunŋinambuk akze. Anutunöŋ yembuk oyaenköyaen akingö jöhöjöhö walŋi aka dölokŋi aka Köna keuŋi al enġiyök. Miaŋgöra jöwöwöl jikenöŋ öŋgöba Anutugö waikŋi memba möpöseimakze. Anutunöŋ kötumötuetŋi sehimapkö keu jöhöyöhi, miaŋgö ölŋan asuhumapköra mambörakze.

⁵ Yeŋön bömön jalönini Abrahamgö gwölönarök-urupŋi yeŋgö isi moröurupŋina malje. Kraistnöŋ yeŋgöreŋök gölme sile memba azia asuhuyök. Kraistnöŋ Anutunina aka yuai pakpak galöm

* 9:4: Eks 9.4

kölīga qetnji nalö teteköñji qahö möpöseimakin. Keu mi ölña.

⁶ Mewö maljemö, Israel könagesönöhök asuhum sehiba maljini, neñön pakpak mönö tøndup Israel ambazip ölñi qahö akzin. Mianğöra Anutugö keuñan siñgiiga ösumñan erök tandök ahakza me? Mewö jibinak, mi keu ölña qahö.

⁷ *Abrahamgö gwölönarök-urupñi yengörenök ahuzinağöra aka körek neñön mönö Anutugö nahönböraturupña qahö akzin. Mewö qahöpmö, Anutunöñ Abrahamğöra kewö jiyök, “Aisakö isimoröurupñan mönö göhöreñ toroqeba qetki bisiba mal öngöme.”

⁸ Keu mianğö könañi kewö: Abrahamgö gwölönarökurup gölme ambazip siliknöñ morö ahumakzini, körek neñön mönö Anutugö nahönböraturupñi qahö akzin. Mewö qahöpmö, Anutunöñ keu jöhöi ahözawağö dop ahuini, Anutunöñ mönö ninia möt neñgiiga Abrahamgö gwölönarökurupñi ölñi akzin.

⁹ *Jöhöjöhö keu mianjön Abrahamğöreñ kewö kaiga mörök, “Yambu mohot teköiga mianğöreñ kunbuk kaba gekiga Saranöñ mönö morö nahönñambuk akña.”

¹⁰ Keu mewö möri yağöreñ mewö asuhuyökmö, mianğöreñök qahö teköyök. Yağö andöñe Rebekagöreñ mewöñanök Anutugö keugö dop asuhuyök. Bömönini Aisak yañön anömñi mi gölöm wañgiiga nahönyahötñiri siwisiwi asuhuyohot.

¹¹ Siwisiwi yetkön gölömñe tata qahö asuhuba yuai ölöpñi me bölöñi kun qahö ahoñi, Anutunöñ

* 9:7: Jen 21.12 * 9:9: Jen 18.10

mönö nalö mianğoreŋ nahön yetköreŋök kun nanŋaŋgöra möwölöhöyök. Nanŋi mötmöt areŋan köhöiba ölnambuk ak tekömapköra aka munŋi möwölöhöyök.

12 *Nanŋi jitsihitŋan ölnambuk akŋapköra Rebekagöra kewö jiyök, “Datŋan mönö munŋaŋgö welenqegeŋi aka nembö bapŋe malma.” Anutunöŋ mewö jiba ahakmemeŋiri akahorahi, mianğö dopŋe i qahö kewöt etkiyökmö, nanŋi mötmöt sihimŋi miyök wuatangöba munŋi oholiga datŋaŋgö ketanŋaŋi ahök.

13 *Mianğö keuŋi Buŋa Kimbinöŋ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak waŋgiba malal.”

14 Keu mianğöra mönö denöwö jibinak? Anutunöŋ diŋdiŋi qahö akza me? Mewö qahöpmahöp!

15 *Anutunöŋ Mosesgöra keu kewö jii ahöza, “Nöŋön mönö nani jitsihitni wuatangöba kun niŋia ehoriba ak kömumangö mötzali, ia mönö ak kömum waŋgi-makzal. Kun dagöra wösö mötmöt ak waŋgimangö jizali, yaŋgöra mönö wösöni mörakzal.”

16 Keu mianğöra aka gölme azinöŋ Anutu qahö galöm kölakzapmö, yuaigö sihimŋi möta akŋangö esapköm bibihibawakmö, mi töndup Anutu qahö oŋgitma. Anutu nanŋak kalem möriamŋaŋgö dop yuai pakpak galöm köliga yaŋgö böröŋe ahöza.

17 *Anutunöŋ farao kiŋgöra keu jiiga Buŋa Kimbinöŋ kewö ahöza, “Nani qetbuŋani jim sehigetka gölme körek pakpak dop kölmapköra

* 9:12: Jen 25.23 * 9:13: Mal 1.2-3 * 9:15: Eks 33.19 * 9:17: Eks 9.16

mötzal. Mewö möta kukösumni kondelbi aukne asuhumapköra kunjum gihibiga göñön asuhum tingitnöñ. Asuhum tingita mala tuarenjoñ ak niñgiba malnöñga mönö luhut al gihial.”

¹⁸ Keu miangö dop Anutunöñ nanñi jitsihitñi wuatangöba kun ehoriba ak kömumamgö mötzawi, ia mönö ak kömum wangimakña aka kungö uruñi mem gwözöñmamgö jizawi, ia mönö mem gwözöñniga yangiseñ ahakña. Mewö.

Anutugöreñ irimsesewöl aka ak-kömukömu

¹⁹ Engöreñök kunñan nöñgöra kewö jibawak, “Mewö aiga körek neñön mönö Anutugö jitsihitñi tuarenjoñ ak wangibingö osimakzin. Mewö aigun Anutunöñ mönö wuanöñgöra toroqeba jim neñgimakza?”

²⁰ *Kunñan mewö jibawakmö, gölme azi gi mönö niñja aka Anutu tuarenjoñ aka angururuk ak wangibanak? Börösöwönöñ mönö nanñi miwimiwikñai Tonji kewö ölop qahö jim wangima, “Gi mönö wuanöñgöra tandök kewöñi miwikñaim niñginöñ?”

²¹ Kimbut meme azinöñ mönö nanñi kukösum qakne sihimñangö dop gwaköm melenđa möwölöhöba gwaköm mohot miangöreñök kourañen murutñi murutñi memakza. Tosatñi nalö dop memba nupnöñ alakzin aka tosatñi aködamunñinambuk mi mönö sösöñgai nalöneyök nupnöñ alakzin.

²² Anutu miwimiwikñai Toninan mönö mewöñanök ak neñgimakza. Yanöñ irimsesewölñi ambazip kondel neñgiiga kukösumñi eka

* 9:20: Ais 29.16; 45.9

mötpingöra mörakza. Mewö möta irimñan seholiiga kazikñan ambazip tosatñi yeñgö qakñine öngöiga jöjöröba köndenñ engimamgö aka malök. Mi töndup likepñi zilañök qahö meleş engiyökmö, yeñgöra aka sihimbölö gwötpuk möta mökösoñda uruñini meleşmegöra mamböta malök.

²³ Mewöñanök kalem möriamñi indeli kelenmaleleş asuhu-mapköra mörakza. Mewö möta ambazip aködamunñi buña qem aņgubingöra möwölöhöm neņgiyöhi, nini mönö neņgehoriiga aködamunñambuk asarimakzin.

²⁴ Nini mewöyök mewö akingöra neņgoholök. Juda ambaziwök qahöpmö, kian kantriñi kantriñi i mewöyök mewö akñegöra engoholök.

²⁵* Anutunöñ miangö keuñi jiiga kezapqetok azi Hoseagö kimbinöñ kewö ahöza,
“Ambazip nani könagesöurupni qahö aka malgeri, nöñön mönö i engoholbiga nani könagesöni akñe. Tosatñan nani wölböt alani qahö malgeri, yeñgöra mönö ‘Nani wölböt alaurupni,’ mewö jiba malmam.

²⁶* Nöñön gölme kungö ambazip yeñgöra kewö jiba malal,
‘Inñini nani könagesöurupni qahö malje.’ Mewö jiba malalmö, i mönö gölmeñine miangöreñök engohola qetñini kewö qetmam: Inñini mönö Anutu malmal Tonangö nahönböratuñi akze. Utekutek mewö asuhuma.”

²⁷* Aisaianöñ mewöyök Israel ambazip neñgöra aka kewö sahöta jiyök, “Israel ambazip jaņgönini köwet sak ewö akawak ewö, mia kun töndup

* **9:25:** Hos 2.23 * **9:26:** Hos 1.10 * **9:27:** Ais 10.22-23

neŋgöreŋök awamŋi neŋönök mönö urunini melenŋinga amöt qem neŋgima.

28 Kembunöŋ gölmeŋi gölmeŋi pakpak neŋgö ke-unini zilaŋzilaŋ kewöta jim teköba likepŋi körek melenŋ neŋgim teköma.”

29 *Aisaianöŋ mewö jiba qeljine keu kun jiyöhi, miangö ölnan mönö neŋgöreŋ kewö asuhuza, “Kembu kukösum pakpak Toninan gwölönarökurupnini tosatŋi qahö engehori uruŋini melenbeak ewö, gölmeninan lök Sodom ewö melenŋi geiga könöp jebawak. Neŋön mönö Gomora ambazip ewö ayuhubinak. Anutunöŋ lök mewö ak neŋgibawak.” Mewö jiyök.

Israel jesöŋgöŋan Anutu yaŋgiseŋ ak waŋgimakze.

30 Miangöra mönö denöwö jibinak? Kantri tosatŋan Anutugö jeŋe solanŋi akingö nupŋi qahö kapan köla megeri, yeŋön mönö Anutugö jeŋe solaniget. Uruŋini melenŋda Anutu möt narigetka miangöra keuŋini jim teköiga solaniba malje.

31 Mewö maljemö, Israel neŋön solanŋi akingöra Köna keu wuatangöbingö kapan köla mala kota mi töndup Anutugö jeŋe qahö solaniin.

32 Miangö könaŋi kewö: Nanŋinanök esapköba ahakmeme diŋdiŋi aka mewö mianön solanŋi akingö kapan köla Jisös qahö möt narim waŋgiget. Yaŋön köt pöwöwöm ewö akzawi, mönö yaŋgöreŋ tötaŋgöba engui qaköba andö qeget. Miangöra solanŋi qahö aket.

33 *Miangö keuŋi Buŋa Kimbinöŋ kewö ohoget ahöza,

* 9:29: Ais 1.9 * 9:33: Ais 28.16

“Eket, Anutu nõnõn mõnõ ain köt kun Zaion kundunje Israel kambu urunje kunjubiga yenõn mianğorenj tötanğöba et enğui andõ qemakne. Kunjan azi ip pöwöwöm köhöikni mi möt narim wanğimawi, yanõn mõnõ nalõ kunõn yanğöra gamu qahõ miwiknaima.” Mewö.

10

¹ O urumelenj alaurupni, nõnõn nani kõnagesöurupnan urunini melenjemğöra awöwenğömakzal. Anutunõn amõt qem enğimapköra uruni qezaköba yenğöra aka Anutu köuluköm wanğimakzal.

² Yenğö kõnanamñinan kewö ahöza: Yenõn Anutugöra urukönöp ahakzemö, mi gukmaulem qakne ahakze. Yenğö keunini mewö nanğöba jizal.

³ Anutunõn keunini jim teköiga solanizini, mianğö kõnanj qahõ möt yaköba nanñinanök esapköba solanñi akingö kapanj kölakze. Mewö aka Anutunõn keunini jim teköiga solanibingö jimakzawi, keu mianğö bapne qahõ anda qaköba öne lanj malje.

⁴ Kraistnõn nanjök Köna keu wuatangöm teköyök. Nini tosatñan mi osiba Kraist möt nariba urunini melenjini, mewö mõnõ Kraistköra aka Anutugö jeñe solaniba dop köljin. Mewö.

Anutunõn nini körek amõt qem nenğimamğö mötza.

⁵ *Mosesnõn Köna keu wuatangöba mewö mianjõn solanñi akingö keunj mi kewö ohoi

* 10:5: Lew 18.5

ahöza, “Köna keu wuatangöm tekömawanön mönö miangöra aka mal köhöima.”

⁶ *Keu mewö ahözapmö, urunini melenja möt nariinga Anutunöŋ keunini jim teköiga solanimakzini, Mosesnöŋ miangöra keu kewö jii ahöza, “Urugan kewö mötmöriba jibanbuk: Azi daŋön mönö Suep mire öngöbawak?” Ambazipnöŋ mi Kraist wangita etmapköra laŋ jiget.

⁷ me “Azi daŋön mönö kömup mirigö dutŋe gebawak?” Ambazipnöŋ mi Kraist wangita kömupnöhök wahötmapköra laŋ jiget.

⁸ Mewö jiba toroqeba kewö jiyök, “Buŋa keu mi köröwen qahöpmö, mönö göhö numbuge aka uruge ahöza.” Buŋa keu mi möt naribingöra aka ahöza. Neŋön keu mianön ambazip uru kuŋgum enjiba kewö jim asarim enjimakzin:

⁹ Anutunöŋ Jisös mem gulli kömupnöhök wahörök. Göŋön keu mi urugan möt nariba numbu jitkan “Jisösnöŋ Kembuni akza,” mewö jim miwikŋaizan ewö, mönö amöt qem gihiiga letotman.

¹⁰ Gi urugan Buŋa keu möt narinöŋga Anutunöŋ keugi jim teköiga solaniman aka numbu jitkan Jisös jim miwikŋainöŋga amöt qem gihiiga letotman.

¹¹ *Buŋa Kimbigö keu kun kewö jiget ahöza, “Daŋön i möt narim wangimawi, yaŋön mönö gamu qahö miwikŋaima.”

¹² Anutunöŋ Juda ambazip qahö neŋgek soriba kantri tosatŋi qahö qepureim enjimakza. Kembu mohot yaŋön mönö körek neŋgö Kembunini aka

* **10:6:** Dut 30.12-14 * **10:11:** Ais 28.16

dop mohotnönj kewöt neŋgimakza. Ambazip i qeta köulukömakzini, yaŋön mönö kötümötuetŋi nini körek kelenj-malelenj neŋgimakza.

13 *Miaŋgö keuŋi mi Buŋa Kimbinönj kewö ahöza, “Ambazip denike yeŋön Kembugö qetŋi qeta köulukömei, yaŋön mönö i körek amöt qem eŋgiiga letotme.”

14 Ambazipnönj Kembu qahö möt narim waŋgiba yaŋgö qetŋi mönö denöwö qeta köuluköbeak? Yaŋgö könaŋi qahö jiget mötkeri, i mönö denöwö möt narim waŋgibeak? Kunŋan Buŋa keu qahö jim asarima ewö, yeŋön mi mönö denöwö mötpeak?

15 *Ambazip kun Buŋa keugöra qahö melaibin ewö, yaŋön mönö denöwö anda mi jim asarib-awak? Miaŋgö keuŋi Buŋa Kimbinönj kewö ohoget ahöza, “Ambazip Buŋa keu ölöpŋi memba kamakzei, yeŋgö köna ötönjini möringa qetpuk sorokŋi akza.”

16 *Mewö ohoget ahözapmö, nönjgö Israel könagesö ölni yeŋön Ölöwak Buŋa qahö tem köla malje. Miaŋgö keuŋi mi kezapqetok azi Aisaianönj kewö jii ahöza, “O Kembu, nini Buŋa keu jim sehiinga daŋön mönö uruŋi melenja mi möt naribawakto?”

17 Keu miaŋgö dop Kraistkö keuŋi jim sehiinga kezapŋine geiga mötketka mötnaripŋinan mönö mewö asuhuma.

18 *Mötnarip mewö asuhumapmö, kewö qesim eŋgizal: Buŋa keu miaŋön mönö Juda yeŋgö kezapŋine qahö geiga mötket me? Qahö, mi mönö

* 10:13: Joel 2.32 * 10:15: Ais 52.7 * 10:16: Ais 53.1 * 10:18: Sum 19.4

mötket. Miangö keuŋi mi kewö jigetka Buŋa Kimbinöŋ ahöza,

“Keu jigetka keu kourukŋinan mönö anda anda gölme pakpak dop kölök. Mi gölmeŋi gölmeŋi eu emu likeplikep miangöreŋ mötket.”

19 *Keu miangö dop Buŋa keu lök mötketmö, kunbuk toroqeba kewö qesim engizal: Israel ambazipnöŋ mi qahö möt asariget me? Mosesnöŋ mutuk keu kewö jiyök,

“Ambazip könagesö ölni qahö nöŋön mi amöt qem engibiga engö uru mututqututŋinan mönö miangöra aka asuhuma. Kian kambu gukmaulem maljei, yeŋön inini engongitketka silik mianön mönö Juda engö uruŋini kuŋgubiga irimŋini seholiiga uruŋinan wahötma.”

20 *Aisaianöŋ mönö köhöiba kinda kewö jii ahöza,

“Ambazip ni qahö jarum niŋgiba laŋ malgeri, yeŋön mönö ni miwikŋaim niŋgiget.

Ambazip nöŋgö könananğöra qahö qesiba malgeri, nöŋön könanamni mönö yeŋgöra indelbi mötket.”

21 *Yeŋgöra mewö jiyökmö, Israel nengöra mönö keu kewö jii ahöza, “Silim dop söŋanök könahiba qeqetal könagesö kezapjupjup ahakzei, inini nöŋgöreŋ kamegöra engohola engöra börö kaek köla malbiga sunğem ahakza.” Mewö.

11

Israel uruŋe urumeleŋ kambu moröŋi ahöza.

* 10:19: Dut 32.21 * 10:20: Ais 65.1 * 10:21: Ais 65.2

1 *Miangöra kewö qesizal: Anutunöŋ nanŋi könagesöŋi andö qem neŋgiyök me qahö? Mi qahöpmaöhöp! Nöŋön mewöyök Abrahamgö gwölönarökŋi kun akzal. Nanak Israel könagesögö kambu qetŋi Benjamin miangö uruŋe maljal.

2 Anutunöŋ nanŋi könagesöŋi qeljiŋe möwölöhöm neŋgiyöhi, nini mönö qahö andö qem neŋgiiga maljin. Kezapqetok azi Elaijagö (Eliagö) kösohotŋi mi Buŋa Kimbinöŋ ohogetka ahöza. Yaŋön Anutugö jeŋe Israel ambazip jim eŋgiba köuluköyöhi, iŋini keu kambaŋi mi mötze me qahö? Keu mi kewö,

3*“O Kambu, yeŋön mönö göhö kezapqetok ambazipurupki enjuget kömugetka göhöreŋ jöwöwöl ohoho altaŋi altaŋi könderŋmönderŋget. Ni mohot nömosötket malbiga mömö-laköba mönömba nuŋgubingö jöjöröze.”

4*Mewö jiyökmö, Anutunöŋ mi möta mönö kewö melen waŋgiba jiyök, “Gi nangok qahö maljanmö, nöŋön azi 7000 mewöŋanök sel jöhöm eŋgibiga nani buŋani aka bem muneŋi Bal i qahö simin köl waŋgiba göbuk toroqeba malje.”

5 Keu miangö dop nalö kewöŋe mewöŋanök Anutugö kambu moröŋi ahöza. Anutunöŋ kalem möriamŋangö dop ambazip awamŋi möwölöhöm neŋgiiga maljin.

6 Kalem möriamŋan mönö nam köl waŋgiiga möwölöhöm neŋgiyök. Nini ahakmeme ölöŋŋi aka memba malbinahi, miangöra aka qahö möwölöhöm neŋgiyök. Gölime ambazip ahakmemeninan nam köl waŋgiiga möwölöhöm

* 11:1: Fil 3.5 * 11:3: 1 Kiŋ 19.10, 14 * 11:4: 1 Kiŋ 19.18

nenngibawak ewö, yangö kalem möriamñan mönö yuai omani akawak.

7 Miangöra mönö denöwö jibinak? Israel könagesönöñ solanñi akingö kapan köla malgetmö, solanibingö könanñi mi qahö miwikñaiget. Yeñön qahöpmö, Anutunöñ kambu moröñi möwölöhöm nenngiyöhi, neñön kalemñi mi miwikñaiba solanñi ahin. Tosatñan mötmöt bölöñan urunñi gwözöñni öne lañ malje.

8* Miangö keunñi mi Buña Kimbinöñ kewö ohoget ahöza, “Gaun jeje malgetka Anutunöñ öme qahö jöhöiga urunñine geiga köhömuñi aket. Yuai eka könanñi ek kutubepuköra jeñini mem sohoiga ömuñ kölök. Keu kezapñinan möta möt asaribepuköra mi mem gwözöññök. Mewö tönpin mala kota nalö kewöñe mewöyök öne lañ malje.”

9* Kiñ Deiwidnöñ miangö keunñi kewö jii ahöza, “O Anutu, yeñön közölömbuanñ ala nemba lañ söngaimakze. Miangöreñ mönö engek miwikñaiba siñgisöndokñinanğöra simba alnöñga enjimema.

Mönö nanñini dumñine tötañgöba et enguiga likepñi melenñ enginöñga sihimbölö mötme.

10 O Anutu, gi mönö jeñini mömbauba mem gömölinöñga uba ekingö osime.

Mönö likepñi melenñ enginöñga qakñine öñgöba lömböriiga sundan dop upköba malme.”

Deiwidnöñ mewö köuluköyök.

Kian kantri yeñön Anutugö ipñi ölni aket.

* **11:8:** Dut 29.4; Ais 29.10 * **11:9:** Sum 69.22-23

11 Toroqeba kewö qesizal: Juda könagesö ölni yeñön tötañgöba et enğuiga uruñinan gwözöñniga ölöwakingö osime me qahö? Mi qahö osime! Et enğuyöhi, mianjön mönö Anutu möt kutubingö awöweñgömegöra aka asuhuyök. Juda könagesö ölni yeñön köna onğita et enğuiga kian kantri yeñön salupñini aka uruñini melenđa Anutugö buñañi aket. Mewö akeri, mianjön uruñini kuñguiga mianğöra irimñini seholiiga uruñini melenjemegö sihimñan asuhumapköra aka mewö asuhuyök.

12 Juda könagesö ölni yeñön köna siñgiba et enğuiga mianğöra kian gölmeñi gölmeñi yeñön oyaenköyaen akingö könañi miwikñaiget. Mi miwikñaiba uruñini melenđa kötümötuet uruñe maljemö, Juda könagesö ölni yeñön tönpin mala Anutugö jeñe qahö dop kölje. Könañgep Juda yeñön mewöyök körek uruñini melenjme. Mewö asuhuiga Anutugö kötümötuetñan sehiba kelenmalelen aukñe asuhuma.

13 Nöñön keuni ki Juda enğöra qahöpmö, kian kantri könagesö enğöra jizal. Nöñön kian kantri enğöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal.

14 Nupni mi membi ölni asuhuiga uruñini melenmakzei, nani Israel könagesöurupnan mianğö buzupñi mötmegöra kapañ köla awöweñgömakzal. Buzup keu mianjön mohot mohot yeñgö uruñini kuñguiga mianğöra irimñini seholiiga uruñini melenjbingö sihimñan asuhui melenjetka Anutunöñ amöt qem enğima. Nupni qetbuñañambuk mi mönö mianğöra aka kian kantri enğö sutñine memakzal.

15 Anutunöŋ Juda kambu andö qem neŋgiiga miangö ölŋan mönö kewö asuhuyök: Kian kantriŋi kantriŋi eŋön salupŋine aketka Anutunöŋ töwaŋini qeba eŋgömeiga alaurupŋi aket. Juda könagesö ölŋi yeŋön uruŋini melengetka Anutunöŋ amöt qem eŋgiba möt aŋgön köl eŋgimawi, miangö ölŋan mönö kömupnöhök guliba mal köhöimeangö dop akŋa.

16 Yambu jeŋiqeŋe dölökŋe nene Anutugöra kewöta ala sösöŋgai ahinga sarakŋi akza ewö, nupkö numbu neneŋi pakpak mönö mewöyök sarakŋi akza. Ip jalöŋan töröŋi akza ewö, böröŋan mönö mewöyök töröŋi akze.

17 Juda kambu mi Anutu nanŋangö oil ipŋi akza. Anutunöŋ nanŋi oil ipŋi mi öŋböŋi memba böröŋi tosatŋi mitii etket aka arökŋangö oil ip böröŋi memba kaba sutŋine ali toroqeba qarimakze. Kantri tosatŋi iŋini arökŋangö oil ip miangö dop akzemö, Anutunöŋ töndup eŋgömeiga nalö kewöŋe ip börö qainŋi kun mienŋö sutŋine mal köhöimakze. Iŋini mönö Juda kambugö oil ip jalöŋeyök nene oŋi öröba nembra qarimakze.

18 Iŋini Juda nembuk kinjemö, töndup Juda neŋgoŋgita silenŋini memba öŋgöbepuk. Silenŋini mem öŋgöbeak ewö, mönö keu ki mötme: Kantri tosatŋi iŋini ip böröŋanök ewö akze. Iŋini jalönini qahö bisimakzemö, nanine ip jalöŋan mönö iŋini eŋgömisiiga kinje.

19 Keu kewö jibeak, “Anutunöŋ nini nanŋi ip kemaŋe al neŋgimapköra aka ip böröŋi mi kutui eriga tiŋi asuhuyök.”

20 Keu mi ölŋa. Anutunöŋ Juda ambazip uruŋini qahö melenŋa möt narigerangöra aka kutum eŋgii

etketmö, injini mönö mötnaripņinan tōndangōm enģiiga zeņ kinje. Mewö kinda jakbak-ōraņbōraņ kude aka aiwelikōba malmemö, mönö kewö et enģubapukōra sömbuņini möta malme:

²¹ Anutunōņ nanņi ipņaņģö börōņi ölni qahö enģehoriba Juda könagesö kutum enģiyök ewö, injini mönö “Ölöp neņģehorima,” mewö jibepuk. Öne mewö mötmōriba laņ malbepuk.

²² Miaņģōra kian kantri injini Anutugö kōnaņi mötmōriba kewö jime, “Juda ambazip kōna siņģiba et enģuyōhi, Anutunōņ miaņģö likepņi melenģa mönö ölna kōnōpņambuk ak enģimakzapmō, nini ölöwak Toņambuk qekōtahōba kininga mem ölöwak neņģimakza. Yambuk qahö toroqeba kinbin ewö, mönö kantri tosatņi nini mewöyök kutum neņģii etpin.”

²³ Mewö ölöp jimemö, Anutunōņ ambazip kōna siņģigeri, mi mewöyök ölöp köhöiba ip kemaņe kunbuk toroqem enģima. Miaņģōra Juda könagesö yeņōn yaņģiseņini mosōta uruņini melenģe ewö, i mönö ölöp Jisōsbuk toroqem enģima.

²⁴ Anutunōņ injini arōkņaņģö oil ip miaņģōreņök kutum enģiba kōlkömōtkö kōnaņi oņģita oil ip qainņi kungö kemaņe al enģii toroqeget. Kantri tosatņi injini mewö ak enģiyök ewö, miaņģōra nanņi ip börōņi ölni Juda könagesö ölni mi mönö amqeba enģōmemba sihimņan nanņi oil ipņaņģö kemaņe al enģii kunbuk toroqeme. Mewö.

Anutunōņ Israel körek ak kōmum neņģimamģö mōtza.

²⁵ O urumelenģ alaurupni, nanņini mötkutukutu qakņe laņ malbepukōra mönö keu tōlapņi kun

indela môt asarimegöra mötzal. Keu mi kewö: Mötmöt bölöñan Israel könagesögö bahöñi kun yengö uruñini gwözöñni maljemö, nalö teteköñi qahö yangisen qahö toroqeba malme. Qahöpmö, mutuk kian kantri yengörenök jesöñgöñan uruñini melenđa Anutugö bemtohoñ uruñe kañgotme. Mewö aketka Anutunöñ jañgöñini ehi dop kölmawi, nalö mianğoren Juda könagesö neñgö yangisen nalöñinan teköiga körek uruñini melenđe.

26 *Uruñini melenđegetka Anutunöñ Israel könagesö pakpak amöt qem enğiiga letotme. Mianğö keuñi mi Buña Kimbinöñ kewö ohoget ahöza,

“Amötqeçe Tonjan mönö Zaion kunduneyök asuhuba Jeikob kambu neñgö ahakmemenini añgöjörakñambuk mi köl köñjöratma.

27 *Anutu nöñön siñgisöndokñini köl köñjörata oy-aenğoyaen akingö jöhöjöhö arenji mi yembuk akiga mohotñe malbin.”

Keu mewö ahöza.

28 Juda könagesö ölni yeñön Ölöwak Buña andö qeba Anutugö kerökurupñi akerañgöra kantri tosatñi enñön salupñine Anutugö alaurupñi akze. Mewö akzemö, Anutunöñ Israel bömön jalö-urupñini möwölöhöm enğiyöhañgöra Juda neñön mönö toroqeba wölböt alaurupñi ölbölni akzin.

29 Anutunöñ ambazip niñia möwölöhöba enğohola kalem enğimakzawi, keu mi mönö kunbuk uruñi möñaiiga utekömawañgö dop qahö.

* 11:26: Ais 59.20 * 11:27: Jer 31.33-34

³⁰ Kian kantri injini mewöyök mutuk Anutugö jitñi qahö tem köla lañ malgetmö, Juda könagesö ölnji yeñön yangiseñ akerangöra aka Anutunöñ injini ak kömum engiiga letotket.

³¹ Juda könagesö ölnji yeñön nalö kewöñe Anutugö jitñi qetala lañ mala kotzemö, enñön letotkerangöra aka Anutunöñ Juda könagesö nini mewöñanök nalö kewöñe ak kömum neñgimangö mötza. Kian kantri enñön uruñini melenđa letotketka mianğö silikñan uruñini kuñgumakzawi, mianğöra yeñön mönö mewö-ñanök anqeba uruñini melenđa ak-kömukömuñi buña qem angume.

³² Ambazip lökñanök pakpak nini Anutu qetala lañ malinga qeçetalnini miwikñaiaba gwaröhöm neñgiyök. Körek pakpak ak kömum neñgimapköra aka kösönöñ gwaröhöm neñgiyök. Mewö.

Anutu möpöseiba omsa liñet kewö kölakzin:

³³ *Anutu kalem möriamñangö köweñan mönö keta bölökñi akza. Iwinangö jitñi, mötmötñi mönö gegenji teteköñi qahö. Mötkutukutuñan neñgoñgita öngöngöñi ketañi akza. Yañön keunini kewöta jim tekömakzawi, neñön mi lökñanök jim asarim teköbingö osibin. Malmalninañgö köna areñgömakzawi, mianğö könañi mönö möt kewöta miwikñaim teköbinañgö dop qahö.

³⁴ *“Kembugö urukönömñangö areñi mi ambazip körekñan möt yaköbingö osiba mala korin. Kunñan kun goro wañgimawañgö dop qahö.”

* 11:33: Ais 55.8 * 11:34: Ais 40.13

35 **“Gölme ambazip kalem aṅgumakzinmö, yambuk mewö akingö osiba mala korin.*

Yuai waṅgiinga kitipṅi qahö melenṅ nenggiiga ölop dop köl waṅgiza. Yuai kun bianṅ nenggimapkö tosa waṅgibingö osimakzin.”

36 **Mi kewögöra osimakzin: Yaṅön yuai pakpakö Tonji aka bömöṅ jalöṅi akza. Yaṅön yuai pakpak nam köliga asuhuyök. Mi nanṅi aködamun miwikṅaim waṅgimapköra aka asuhuyök. Miaṅgöra neṅön qetbuṅaṅi möpöseininga teteköṅi qahö aködamunṅambuk ahöba öṅgöba ahöma. Keu mi ölna.*

12

Malmalnini denöwö malinga Anutugörej dop kölma?

¹ O urumelenṅ alaurupni, Anutunöṅ mewö ak kömum nengiyö-haṅgöra nöṅön mönö uruṅini kewö kuṅgum eṅgizal: Inini mönö ak-kömukömuṅi mi urukönömṅinan mötmöriba miaṅgö dop kitipṅi melenṅ waṅgiba waikṅi memba möpöseiba malme. Mewöyök nanṅini silenṅini mi Anutugö kötön naluha alme. Mewö alme ewö, inini mönö guliba sarakṅi aketka Anutunöṅ nalukṅini mi ehi dop köli sihimṅi mörakṅa.

² Mutuk gölmegö ahakmeme bölöṅaṅgö arenṅi wuatṅgöba malgetmö, nalö kewöṅe mewö kude toroqeba ahakṅe. Mewö qahöpmö, mönö urumötmöṅinan kölöṅaiiga letota malme. Mewö mala Anutunöṅ eṅgöra sihimṅi denöwö mötzawi, mi jaruba ölop köhöiba kewöta miwikṅaime. Mi

* 11:35: Job 41.11 * 11:36: 1 Kor 8.6

miwikñaiba miangö dop ahakne ewö, mönö köna ölopñi wuatangögetka dop köl wanji aködamunñinambuk ahakne.

³ Siksauk lañ malbepuköra keu kun jimam. Anutunöñ kalem möriam niñgiiga miangö qakne kinda körek engöra kewö jizal: Inini mönö nanñini mötket öngöngöñi qahö akñapmö, mohot mohot inini mönö törörök möt kutum anguba malme. Anutunöñ mötnarip neñgiiga miangö ölni asuhumakzawangö dop mönö nanñini kewöt anguba miangö dopkeu jiba malme.

⁴ *Miangö könañi kewö: Sileninan mohot akzapmö, sile kitipnini mi gwötpuk. Kitipñi pakpak mienön nup mohot miyöhök qahö memakze.

⁵ Miangö dop urumelen ambazip neñön mewöyök gwötpuk maljinmö, töndup Kraistpuk qekötahöba kinda sile ewö ölni mohot akzin. Mohot akzinmö, nanñök nanñök neñön mönö toroqem anguba mohotne nup meinga dop köli kinjin.

⁶ *Anutunöñ kalem möriamñi neñgiyöhangö dop nup memegö mötmöt kalem murutñi murutñi buña qem anguba maljin. Kunöñ kezapqetok nupkö mötmöt kalemñi buña qem angusa ewö, yañön mi mönö nupnöñ alakña. Mötnaripñan töndangöm wanji-makzawangö dop nupnöñ ala Anutugö keuñi jiba malma.

⁷ Kungöra welenqege nupkö mötmöt kalemñi wanjiyök ewö, miangö dop mönö tosatñi pöndañ bauköm engiba malma. Kungöra böhi qaqazu nup

* **12:4:** 1 Kor 12.12 * **12:6:** 1 Kor 12.4-11

memapkö mötmöt kalemñi wañgiyök ewö, yañön mönö memburik-qemburikñi qahö pöndañ tosatñi kusum engiba malma.

⁸ Kungöra uru nañgönañgö nupkö mötmöt kalemñi wañgiyök ewö, yañön mönö pöndañ kapañ köla ambazip uruñini kunguba nañgöm engiba malma. Tosatñan yuaigöra mözöröngöba osigetka kungöra i nañgöm engimapkö mötmöt kalemñi wañgiyök ewö, yañön mönö koñgwarakñi qahö pöndañ nañgöm engiba malma. Kungöra galömkölköl nupkö mötmöt kalemñi wañgiyök ewö, yañön mönö zeñ kinda tosatñi galöm köl engiba malma. Kungöra urukalem nupkö mötmöt kalemñi wañgiyök ewö, yañön nup mi mönö sösöñgai qakñe memba malma. Mewö.

Urukalemgö könañi törörök wuatangöme.

⁹ Mönö geñmoñ mosöta törörök urukalem ak añguba malme. Bölöñi sisit memba andö qeba malme. Ölöpñangöra ak engiiga miangöreñ mönö qekötahöba malme.

¹⁰ Urumeleñ alaurupñini mi mönö guñböñjönjön qakñe ak engiba törörök jöpaköm añguba malme. Göda qem añgubingö kapañ kölakzei, miangöreñ mönö awöweñgöba möpöseim añguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm engiiga urukönöpnöñ kinda Kembugö nup memba malme.

¹² Jörömqöröm aka sösöñgainöñ malme. Ka-hasililiñ möta mökösoñda malme. Mönö böñ kinda Anutu köuluköba malme.

13 Anutugö ambazip sarakñan yuaigöra osizei, i mönö bauköm engiba malme. Mönö ambazip köl öröm engiba mohotñe tata nene nem sösöñgai ahakñe.

14 *Sesewerowero ak engimakzei, ambazip mi mönö kude qesuahöm engimemö, mönö Anutu köulukögetka kötuetköm engimakña.

15 Söñgaizei, yembuk mönö bauköba söñgaime. Sahötzei, yembuk mönö bauköba sahötme.

16 *Mönö urumohot ak anğuba luainöñ malme. Nanñinañgöra mönö kude mötket öngöma. Jakbak-öranbörañ kude akñemö, ambazip eretñi mönö ala ak engiba malme. Nanñinañgöra mötketka mötkutukutu ambaziwa maljeañgö dop kude akña.

17 Jinöñ jibi, nuñgunöñ guhubi, aknöñ aki mi kungöra kude akñe. Ambazip körekñan silik tosatñi miengöra mötketka ahakmeme ölöpnji akzei, mi mönö kapan köla memba malme.

18 Yuai kungören qahö qaköze ewö, mönö köhököhöi ahöm engizawañgö dop kapan köla ambazip körek yembuk luainöñ malme.

19 *Keu kun mi Buña Kimbinöñ kewö ohoget ahöza, “Nöñön mönö bölöñangö likepnji melenbiga qakñine öngöma. Mi nöñgö nuwa. Kembu nöñön mewö jizal.” Miangöra wölböt alaurupni, inini nanñinak bölöñangö likepnji kude melenmemö, mi Anutugöra mosötketka irimñan seholiiga engö ki-tipñi melenja meköm engima.

20 *Miangöra mi nanñinak kude melenmemö, Buña keu ki mönö wuatangöba malme, “Kerökan

* 12:14: Mat 5.44; Luk 6.28 * 12:16: Qam 3.7 * 12:19: Dut

32.35 * 12:20: Qam 25.21-22

nenegö kömuza ewö, i mönö nene gumohom waŋgiman. Göhö kerökan ogö mötza ewö, i mönö o waŋginöŋga nema. Mewö aka göhöreŋ silik ölopŋi mianjön mönö uru kuŋgum waŋginöŋga gamuŋi möta mosöt pawak.” Keu mi mönö wuatangöba malme.

²¹ Kunŋan silik bölöŋi mianjön luhut al gihibapukmö, nangak mönö silik ölopŋi aka mianjön luhut al waŋgiba silikŋi bölöŋi mi koyonaniman. Mewö.

13

Gawman yeŋgö keu bapŋine anda tem köla malme.

¹ Gawman kun mi nanŋök qahö asuhuyökmö, Anutu, kukösum Toŋi yaŋön mönö gawman kuŋgui mianjögö dop ketaŋamninan kukösum qakŋe kinda galöm köl eŋgimakze. Jimkutukutu nupkö kondotkondotŋi mi Anutu. Mianjögöra inini körek mönö nanŋini gawman yeŋgö keu bapŋe anda malme.

² Könaŋi mewö mötzeangöra aka kunŋan jimkutukutu galöm yeŋgö kukösumŋini qetaljawi, yaŋön Anutunöŋ malmalgö areŋi alöhi, mönö mi qetalja. Jimkutukutu Toŋi qetaljei, Anutunöŋ yeŋgö keuŋini jim teköba likepŋi meleŋ eŋgiiga lömböt miwikŋaime.

³ Galömkölköl yeŋön ambazip ahakmeme bölöŋi ahakzei, mi keŋgöt mötmöt ak eŋgimakzemö, ölopŋi ahakzei, mi mewö qahö ak eŋgimakze. Mianjögöra galöm kukösumŋinambuk yeŋgö keŋgötki mötmamgö mötzan me qahö? Mi qahö mötmamgö mötzan ewö, mönö ahakmeme ölopŋi aka memba malnöŋga möpöseim gihimakŋe.

⁴ Gawman yeñön mönö Anutu welenni qeba mem ölöwak gihibingö mötze. Mewö mötzeangöra ambazip bölöni akzei, mönö mianğö likepni melenđa qakñine öngöi lömböt mötmegöra kinje. Anutugö welenqeçeurupni aketka buldömingö sou ketani engiyöhi, mi öne töhön qahö memba malje. Mianğöra yuai bölöni akzan ewö, mönö kenğötki möta malman.

⁵ Lömböt qakñine öngöi mötpepuköra mönö gawman jıtñini tem köla malme. Mianğörök qahöpmö, Anutugö jeñe mohot dop kölmapköra mönö mewö ahakñe. Qahö tem kölgetka Anutugö irimñan sehili jii urukönömñinan mewö mötketka uruñinan bölibapuköra mönö mewöyök gawman yeñğö keu bapñe anda malme.

⁶ *Gawman yeñön mönö Anutugö nup bahöni kun memba mianğoreñ zeñ kinda galöm köl engimakze. Nupñini mi memegöra eñön mönö bauköm engiba takis mewöyök alakze.

⁷ Gawmangö takis aka kötön könañi könañi dawik engimegö jimakzei, mi mönö körek mianğö dop engimakñe. Gawmangö takis könañi könañi pakpak mi mönö törörök engimakñe. Gawmangö nup meme ambazip yeñğöra mönö ewe ala göda qem engimakñe. Mewö.

Nalö ketanñan dopdowiiga mönö jöpaköm anğuba malme.

⁸ Mewö aka kungöreñ tosa kun embuk kude ahöi malme. Töndup engö tosañini mohok-kun mi nalö dop kewö ahöza: Inini mönö uru jöpaköm anğuba malme. Kunñan tosañi jöpaköba urukalem

* **13:6:** Mat 22.21; Mak 12.17; Luk 20.25

ak engimakzawi, yaŋön mönö Köna keu wuatangöm tekömakza.

⁹ *Jöjöpaŋ keu bohonŋi kewö, “Nangi jöpaköm aŋgumakzani, mianğö dop mönö tosatŋi pakpak jöpaköm engimakŋan.” Keu mianğö uruŋe jöjöpaŋ keu kewöŋi ahöze, “Sero yoŋgorö kude akŋan,” “Ambazip kun kude qenöŋ kömuma,” “Yoŋgorö kude meman,” “Yuaigöra mönö kude köpösöŋgöman.” Mi aka jöjöpaŋ keu tosatŋi pakpak mi mönö keu bohonŋi mianğö nemböŋe akze.

¹⁰ Ambazip kun jöpaköm waŋgizan ewö, yaŋgöra mönö yuai bölöŋi kun kude ak waŋgiman. Mianğöra urukalem aka mewö mianğön mönö jöjöpaŋ keu körek pakpak tem köla wuatangö-makzan.

¹¹ Nalö kianğö könaŋi mötzeangöra mönö ahak-meme mewöŋi aka memba malme. Mutuk Kraist möt nariba urunini melenŋini, nalö mianğöreŋök könahiba mala koringa Kembunöŋ meköm neŋgii Suepnöŋ öŋgöbini, mianğö nalöŋan mönö dowe ahöza. Mianğöra inŋini gaun ahözei, mianğöreŋök imbiŋini möta wahötmeangö nalöŋan mönö lök kam kuŋguza.

¹² Sunğem köröpŋi malinga wehön jeŋi jililingöba koriga asarimangö akza. Mianğöra söŋaupkö ahakmeme mi mönö tömbuluŋaniget geiga asakŋangö bim qebingö aködammunŋi mi mönö memba kölget geiga kinbin.

¹³ Asakŋangö uruŋe maljinangö dop mönö ahakmeme sarakŋi aka memba malbin. Tosatŋan közölömbuanŋ pati ala bau numbu

* **13:9:** Eks 20.13-15, 17; Dut 5.17-19, 21; Lew 19.18

nemba o köhöiknangöra enololon ahakze. Sero namböjnamböj aka lan ambi yongoro örömakze. Jula dennda angururuk aka angöhöba urunöj mututqutut möta andönöj gem angumakze. Ahakmeme mewöjan mönö qahö dop kölja.

¹⁴ Urusilegö sihim kömbönanjini bölöjan guliba wahötketka miengö sihimjini tem köl engibepuköra mönö mi kude kezap ala mötmörim engimakje. Mewö qahöpmö, Kembu Jisös Kraistkö ahakmemejan mönö timbi saiwanjini aiga mi maluku ewö löngöt anguba malme. Mewö.

14

Alaurup lölöwöröj i kude jim engiba malme.

¹ *Kungö mötnaripjan lölöwöröj aiga i mönö köyan köla köl öröm wanjiba malme. Yambuk eraum möta kösaworan keugöra jitnakölik kude ahakje.

² Tosatjan mötnaripjanangö dop nene pakpak ölop nemakzemö, tosatji yengö mötnaripjanan lölöwöröj aiga nene piakjanök nemakze. Urujanan tölöhobapuköra uruyahöt aka sömbup tandö lopiongö naluk alalji mi sisitji memba yöha töhönök inanjik ohom nemakze.

³ Nene pakpak nemakzeanön mönö alaurupjini yöhayök nemakzei, mi jijiwilit kude ak engimakje. Anutunöj alaurupjini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, enön mönö alaurupjini yengö keujini kude jim teköme.

* **14:1:** Kol 2.16

⁴ Göñön mönö niñia aka kungö welenqeqeni jim teköm wañgibanak? Yanñön mönö nanñi toñañgö jeñe keñañgö likepñi juiga kewöta jim teköiga dop köliga kinma me lömböt qakñe öngöiga etma. Kembunöñ mönö köhöiba böñ qeba kinmapköra nañgöm wañgimakña. Mianğöra mönö ölop böñ qeba kinma.

⁵ Tosatñan silim pakpaköra mötmörigetka tandökñini öröröñ ahözemö, tosatñan silimñi silimñi kewöta silim kungö mötket öngöiga qainñi kun aiga silim tosatñan mianğö nemböñe akze. Inini mohot mohot mönö nanñini mötmötñini qekötahöba mianğöreñ uruyahöt körek yaköriba awösamkakak kinda malme.

⁶ Tosatñan silimñi silimñi kewöta öngöba eta alakzei, yeñön mi mönö Kembu qetbuña wañgimapköra aka ahakze. Tosatñan sömbup nemakzei, yeñön mönö Anutu möpöseiba Kembunöñ mewö qetbuñañambuk akñapköra nemakze. Tosatñan sömbupkö sinji malakzei, yeñön mönö Kembunöñ qetbuñañambuk akñapköra aka mi ahakze aka mewö mala Anutu möpöseimakze.

⁷ Neñgöreñök kunñan kun mönö nanñañgörök qahö malja aka nanñañgörök qahö kömuma.

⁸ Mianğö könani kewö: Jebuk malbin ewö, mönö malmalnini Kembugöra kölenđa malbin. Kömumbin ewö, mönö Kembugöra kömumbin. Mianğöra malbin me kömumbin ewö, mönö Kembugö buñaya akzin.

⁹ Kraistnöñ mönö kömugeri aka jebuk maljini, körek neñgö Kembunini aka malmapköra kömumba guliyök.

10 *Anutunöŋ mönö körek neŋguanŋita nanŋi keu jakeŋe al neŋgiiga kinbin. Mianŋöra tosatŋi eŋön mönö niŋia aka urumelenŋ alaurupŋini jim teköm eŋgimakze? Mewöyök alaurupni tosatŋi eŋön mönö wuanöŋöra urumelenŋ alaurupŋini tosatŋi mi jijiwilit ak eŋgimakze? Jujul silikŋini mianŋön mönö qahö dop kölja.

11 *Mianŋö keuŋi mi Buŋa Kimbinöŋ kewö ohoget ahöza,
 “Kembu nöŋön mal köhöizali, mianŋö dopkeu öl töhöŋŋi kewö jizal: Ambazip körek pakpak iŋini mönö nöŋgö jemesoholne simin köla jitŋinan Anutu ni möpöseim niŋgime.”

12 Keu mianŋö dop nini körekŋan mönö inanŋök inanŋök ahakmemeninanŋö kösohotnini mi Anu-tugöra jim asariinga kewöt neŋgima. Mewö.

Kunöŋ tötanŋöba et qebapuköra mötmörime.

13 Mianŋöra mönö kude toroqeba jim bölim aŋguba keuŋini jim teköme. Urumelenŋ alaurup yeŋgö könanöŋ tötanŋöba et eŋgubapukö yuai kun mönö kude alakŋe. Mianŋö keuŋi mönö kapanŋ köla jiba jöhöme.

14 Nene yuai kunöŋ nanŋanök aŋgöjörakŋambuk qahö akzapmö, ambazipnöŋ yuaigö mötketka aŋgöjörakŋambuk akzawi, yeŋgöröhök mi aŋgöjörakŋambuk akza. Nöŋön Kembu Jisösbuk kinda keu mi möta mianŋöra uruyahöt kun qahö akzal.

15 Anutunöŋ nene pakpak amöt qem teköi sarakŋi akzemö, töndup alaurup tosatŋan dönqiziziniŋi aka sömbup qahö nemakze.

* 14:10: 2 Kor 5.10 * 14:11: Ais 45.23

Kraistnön yengöra aka kömuiga tosatji enön mönö wuanöngöra sömbup namba mewö mianjön yengö uruñini mem bölimakze? Mewö nanñini imbi-imbini aketka urumelen alaurupñinan mianğöra wösöbirik ahakzei, mewö mönö urukalemğö könañi mi qahö toroqeba wuatangömakze.

¹⁶ Mötmöt ölopñi ahöm engizapmö, mianğö qakñe ahak-memenñinan lañ aketka tosatñan mianğöra sirongen keu jiba jim engimakze. Mewö asuhubapüköra galöm mem anguba malme.

¹⁷ Wani neneya nembini aka wani oya nembini, mianjön Anutu bemtohoñangö aiwesökñi qahö akza. Yuai mianjön mönö eretñi akza. Yangö bemtohoñ uruñe malmalgö ölni mi kewö: Uña Töröñan inahöm neñgiiga ahakmeme diñdiñi wuatangöinga luai qem neñgiiga söñgaiba maljin. Mianjön mönö aiwesök muñgemñi akza.

¹⁸ Denike yenön mewö aka Kraistkö welenni qemakzei, yenön mönö Anutugö jeñe dop kölgetka ambazipnön keuñini mötketka dop köl engimakza.

¹⁹ Mianğöra nini luai qem anguinga urumohot sehimapköra kapañ kölbin. Mewö mianjön mönö urunini möhamğöba mem köhöim angubin.

²⁰ Anutunön nene pakpak amöt qem teköi sarakñi akze, mi mötzinmö, kunön sömbup me nene kun neiga alañangö uruñan mianğöra böliiga urukönöpñi ahuiga siñgisön-dokpuk akzawi, mianjön mönö qahö dop kölja. Kunñan tosatji yengöra qahö mötmöriba nanñangörök möta lañ nezawi, yanön mönö mewöyök siñgisöndokpuk akña. Mianğöra Anutunön yengö uruñine nupñi meyöhi, tosatji enön mönö nupñi ölopñi mi nenegöra aka kude mem bölime.

21 Mianğöra urumelen alaurupnini yengöra aka sömbupkö sinji mala wain o mi kude namba malme. Mewö mianjön mönö mohotje ölöwakje. Mewöyök urunjan yuaigöra aka böliiga sinjisöndokpuk aka löwöribawak, enjon mi kude akje. Mewö mönö mohotje ölöwakje.

22 Kösaörañ keugö mötnaripni mewö me mewö ahöm gihizawi, mi mönö Anutugö jemesoholje anjon köla malman. Kunjan keu kungöra “Dop kölja,” jiba mianğöreñ qekötahöba möt köhöiba mianğöra nanji qahö jim teköm anğuzawi, yanjon mönö simbawon akza.

23 I me wai mötnarip qakje qahö kinda ahakzini, mi pakpak mönö sinjisöndok akza. Mianğöra kunjan nene kungöra uruyahöt aka töndup mi neza ewö, yanjon mönö mewö sinjisöndok akja. Mötnarip qakje qahö kinda nezawağöra Anutunon mönö yangö keuji jim teköi qaköba lömböt miwiknaima. Mewö.

15

Mönö Kraistkö mötmötji wuatangöba malme.

1 Mötnaripninan köhöikni akzawi, nejon mönö naninangörök lañ söngaiiba nanini imbi- imbi malbinbuk. Tosatji yengö mötnaripninan lölöwöroni aiga tötopinpinon kona ongita törörök qahö wuatangömakzei, nejon i urukalem ak engiba lömbötjini bisimegö bauköm engibin.

2 Nini mohot mohot mönö alaurup-ninan ölöwakneangö dop mötmöriba ak engimakin. Mewö ak engiba urunini möhamgögetka köhököhöi miwiknaima.

³*Kraistnöŋ mewöyök nanŋaŋgörök nanŋi imbi-
imbi qahö söŋgaiba ahökmö, Buŋa keu kiangö dop
ak waŋgigetka malök, “Ambazip keu töhöreŋ jiba
gi jim gihimakzei, yeŋgö keuŋinan mönö nuŋguiga
sihimbölöŋi mörakzal.” Keu mewö ahöza.

⁴ Anutunöŋ neŋgöra sihimŋi kewö mörakza:
Neŋön kapaŋ köla köhöiba kinda Buŋa Kimbi
oyonŋinga urunini naŋgöiga mewö mianjön
jörömqöröm aka malbin. Mianjöra Buŋa keu
papak mönöwök ohogeri, Anutunöŋ mönö
mianjögö dop kusum neŋgimamgö mötza. Mianjöra
mi ohoget ahöza.

⁵ Anutunöŋ mönö nanŋak uruŋini naŋgöiga ölop
kapaŋ köla kin köhöime. Yaŋön mönö Uŋaŋi eŋgiiga
inahöm eŋgiiga sutŋine uru jöhöjöhö aka Kraist
Jisösgö mötmötŋi wuatangöba malme.

⁶ Mewö mala ölop urumohot qakŋe numbuŋini
mindiriba Anutu, Kembunini Jisös Kraistkö Iwiŋi
mi möpöseiba malme. Anutunöŋ eŋön mewö aka
malmegöra mörakza. Mewö.

Ölöwak Buŋanöŋ kantri tosatŋe anda kayök.

⁷ Kraistnöŋ iŋini möt aŋgön köla köyan köl
eŋgimakzawi, mianjögö dop iŋini mönö mewöyök
köyan köl aŋguba malme. Anutugö qetbuŋaŋan
sehimapköra mönö mewö aka malme.

⁸ Nöŋön keu ölni ki jimam: Anutunöŋ keuŋi
keuŋi Juda könagesö neŋgö bömönurupnini yeŋgöra
jiba jöhöyöhi, mianjön ölnambuk akŋapaköra mörök.
Mianjöra Kraist melaiiga Anutugö Buŋa keu ölnan
köhöimapköra aka Juda neŋgö sutŋine eta welen
qem neŋgiba malök.

* 15:3: Sum 69.9

9*Juda nini welen qem neŋgiba malökmö, kantri tosatŋi yeŋön mewöyök yaŋgö ak-kömukömuŋi möta mianğöra Anutu möpöseiba malje. Mianğö keuŋi mi Buŋa Kimbinöŋ kewö ohoget ahöza, “Mianğöra nöŋön kantri tosatŋi yeŋgö sutŋine mala möpöseim gihiba qetbuŋagan sehimapköra liŋet kölakŋam.”

10*Mianğö keuŋi kun mi kewö jiba ohoget ahöza, “Anutunöŋ Juda nini möwölöhöm neŋgiiga könagesöŋi aka söŋgaimakzin. Kantri tosatŋi iŋini mönö nembuk toroqeba söŋgaiba köiraŋ ala malme.”

11*Mianğö keuŋi kun mi kewö, “Kian kantrigö kambu pakpak iŋini mönö Kembu möpöseiba malme. Gölme dop maljei, iŋini mönö körek ‘Anutu saiwap!’ jiba liŋet köla malme.”

12*Kezapqetok azi Aisaia yaŋön mewöyök mianğö keuŋi kewö jii ahöza, “Azi qetŋi Jesi yaŋgö andöjalöŋan mönö söŋŋi jula wahöta ambazip gölme dop galöm köl eŋgima.

Mewö ak eŋgiiga jörömqörömuŋini yaŋgöreŋ ala bauköm eŋgimapköra mamböta malme.”

Keu walŋi mianğön mönö nalö kewöŋe ölhambuk ahakza.

13Uŋa Töröŋaŋgö ösumŋan mönö naŋgöm eŋgiiga jöröm-qörömuŋinan köhöiba pöwöwöm akŋapköra mötzal. Mianğöra jörömqöröm Toŋi Anutu yaŋön mönö luai qem eŋgiba sö söŋgai pakpak mianğön uruŋini kokolak qema. Mewö köuluköbiga ölöp

* 15:9: 2 Sml 22.50; Sum 18.49

* 15:10: Dut 32.43

* 15:11:

Sum 117.1 * 15:12: Ais 11.10

Anutu möt narim wan̄giba oyaen̄koyaen̄ akingö mamböta malme. Mewö.

Keu köhöik̄ni mi denöwögöra ohozal?

¹⁴ O urumelen̄ alaurupni, nanak engöra kewö möt köhöizal: Inini mönö tön̄pin qahö maljemö, Anutunöñ yuai pakpak ölop̄ni uruñine ali kokolak qeiga mötmöt könañi könañi miwik̄ñaiba mian̄ön ölop̄ goro qeba kusum an̄gubin̄gö dop akze.

¹⁵ Mewö akzemö, töndup keu mi ölum engubapuköra möta miengö könañini mi kunbuk köl gulim engizal. Anutunöñ kalem möriam niñgiiga mian̄gö qak̄ne kinjal̄ngöra mönö awösamkakak qak̄ne keu köhöik̄ni tosat̄ni ohom engizal.

¹⁶ Mian̄gö könañi kewö: Anutunöñ kian kantri en̄ön uruñini melen̄getka Un̄a Töröñan mem sarahim engimapköra mörakza. Mutuk jöwöwöl ohogetka köwak̄nan öngöi Anutunöñ söñgaizapma, mian̄gö dop nalö kewöñe Anutunöñ ambazip gölme dop buñani aketka en̄geka söñgaimangöra awöwengömakza. Mian̄göra Ölöwak Buñani kantri tosat̄ni yeñgö sut̄ñine jim sehimangö jiba nup̄ni qak̄ne aliga mian̄gö dop urugö nup galöm aka Kraist Jisösgö welen̄ni qemakzal.

¹⁷ Mian̄göra Kraist Jisösbuk qekötahöba kinda Anutugö nup̄ni membiga qetbuña niñgiiga sileni memba öngöba awösamkakak kinjal.

¹⁸ Kraistnöñ kantri tosat̄ni yeñön Anutugö jit̄ni tem kölmegöra möta sölölohöba kungum niñgimakzawi, mian̄ön mönö nam köl niñgiiga keuni jiba ahakmemeni ahakzal. Keu tosat̄ni lan̄ jim sehisehigö awösamkakak̄ni mi qahö ahöm niñgiza.

19 Uña Töröñangö ösumñan mönö nam köl niñgiiga anğöletot aiwesök kukösumñinambuk asuhuget. Nöñön Jerusalem siti mosöta kantriñi kantriñi liliköba anda mala mala Yuropkö siti qetñi Ilirikum mianğoreñ anğoral. Mewö gölme dop liliköba Kraistkö Ölöwak Buña mi jim asarim engim teköyal.

20 Kunöñ tandö kuñguiga kuññan kaba nanñi miriñi mianğö qakñe memba mönö keuñambuk akña. Mianğö dop kunöñ Kraistkö keuñan mötnaripkö tandö lök kuñgui kinöhi, nöñön mönö kaba yañgö tandö qakñe töndangöba kinda uruñini toroqeba möhangöba mem köhöim engimamgö tököba malal. Urugö nup mutukñi memba mianñon aködamuni miwikñaimamgö kapan köla malal. Mianğöra ambazip denike yeñön Kraistkö qetñi qahö möta tönpin malgeri, nöñön Ölöwak Buña yeñgöra jim asarimamgö awöweñgöba malal.

21 *Mianğö keuñi Buña Kimbinöñ kewö ohoget ahöza,
 “Denike yeñön keuñi qahö jiget mötkeri, yeñön mönö mala i ekñe. Denike yeñön könanñi mutuk qahö möta tönpin malgeri, yeñön mönö mala mi möt asarime.”

22 *Nup mewöñan jöhöm niñgiyöhanğöra mönö nalö dop engöreñ kamamgö osiba malal. Mewö.

Polnöñ Rom anmamgö areñi alök.

23 Mewö malalmö, liliköba urukuñgukuñgu nup mutukñi memba gölme pakpak möt engizini, mianğoreñ mi mem teköba malal. Urugö nup mutukñi memamamgö gölmeñi mi nalö kewöñe

* 15:21: Ais 52.15 * 15:22: Rom 1.13

kunbuk qahö ahöza. Mewöyök injini engekñangö sihimñi möta malbiga yambu (yara) gwötpuk lök teköyök.

²⁴ Mianğöra kantri qetñi Spein anmami, mianğö könaje mönö engören kamamğö areñi ala engekñangö jörömqöröm aka kewö mötzal: Engeka embuk sösöngai aka borom kun köisirik tatpiga bauköm niñgigetka ölop köna toroqeba Spein anmam.

²⁵ *Mewö mötzalmö, nalö kewöñe Jerusalem sitigö könagesö sarakñi nañgöm engibingöra mianğören anmam. Mianğören andagun engören kamam.

²⁶ Masedonia aka Akaia prowins yahöt mitkö urumelen könagesö kambuñi kambuñi yeñön mönö Jerusalem sitigö ambazip sarakñi bauköm engibingö keu jöhöget. Anutugö ambazip sarakñi wanapñi maljei, mönö yeñğöra keu jöhöba naluk gwötpuk ketañi ala mindirigetka mi membagun anda engimam.

²⁷ *Mewö akingö uru sösöngai möta keu jöhöba mindimindiri naluk ketañi mi alget. Mewö almegö tosa ahöm engiiga algetka ölna dop kölja. Anutunöñ Juda könagesö kötuetköm neñgimamğö keuñi jii ahöiga kötumötuet mianjön kian kantriñi kantriñi dop köla qakñine öngöi malje. Mianğöra kian kantri yeñğören tosa ahöiga likepñi melenđa kalemñinan Juda könagesögö wanapñi bauköm enñigetka dop kölja.

²⁸ Nöñön kalem mi memba anda böröñine albi nupni mianjön teköiga mianğö andöñe engömosöta

* 15:25: 1 Kor 16.1-4 * 15:27: 1 Kor 9.11

kusukñanök engörej kaba engekagun toroqeba Spein anmam.

²⁹ Engörej kamami, nalö miangörej mönö Kraistkö kötümötuetñi mi körek memba kaba engimam. Mewö möt yaközal.

³⁰ O urumelen alaurupni, nöñön Kambu Jisös Kraistpuk qekötahöba kinda kewö uru kuñgum engizal: Uña Töröñan jöpaköba nañgöm engimakzawañgö dop mönö nöñgöra Anutu köuluköba malme. Aum-mörimakzali, miangörej mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yañgisen ahakzei, yengö böröñine gebilenbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yengö böröñine albiga dop köli sihimñi mötmegöra mönö köuluköba malme.

³² Mewö köulukö-getka Anutunöñ sihimñi mötza ewö, nöñön mönö sösöñgai qakñe engörej kaba embuk köisirik tata körö-ölöwak qem niñgigetka malmam.

³³ Luañ Tonñ Anutu yañön mönö körek embuk kinma. Keu mi ölña.

16

Yaizözkök keu teteköñi

¹ Alanini Fibi (Foibe) yañön Senkria urumelen könagesögö nup meme ambia akza. Yañön Rom engörej kamawi, i köyan kölmegöra mönö qesim engiba böröñine aljal.

² Yanön ambazip gwötpuk aka ni mewöyök bauköm neŋgiba malök. Mianğöra Anutugö ambazip sarakŋan alaurupnini köl öröm enğimakzini, mianğö dop Fabinöŋ kaiga i mönö Kembugö qetŋe köuluköba köl öröm waŋgime. Enğöreŋ kaba yuai kungöra osibawak, mianğöreŋ mönö bauköm waŋgime.

³*Awanömyahöt Prisila aka Aqila Kraist Jisösbuk kinjahori, neŋakyahötne yetköra mönö nöŋgöreŋ yaizözkökni jigetka mötmahot.

⁴ Yetköŋ mönö nöŋgöra aka malmalŋiri kölenda kömumbitkö ahot. Nöŋönök qahö möpöseim etkizalmö, kantri tosatŋe urumelen könagesö kambuŋi kambuŋi yeŋön mönö mewöyök yetköra saiwap jimakze.

⁵ Urumelen könagesö miriŋire tokomakzei, yeŋöra mewöyök mönö nöŋgö yaizözkökni jigetka mötme. Eisia prowinsnöŋ nup membiga ölni mutukŋan asuhuiga Epainetus yanön uruŋi melennda Kraistkö buŋa ahöhi, wölböt alani yanğöra mönö nöŋgöreŋ yaizözkökni jigetka mötma.

⁶ Marianöŋ enğöra aka nup ketani memba malöhi, yanğöra mönö nöŋgöreŋ yaizözkökni jigetka mötma.

⁷ Andronikus aka Junias tinitosolomyahötne yetköŋ mutuk Kraistköreŋ qekötahöyohotka nöŋön yetkö andöŋire uruni melenbiga mianğö andöŋe nömbuk kösö mire malin. Aposol yeŋön yetköra mötketka sutŋine öŋgöŋgöŋi akzahot. Yetköra mönö nöŋgöreŋ yaizözkökni jigetka mötmahot.

⁸ Wölböt alani Ampliatus Kembubuk kinjawi, yanğöra mönö nöŋgöreŋ yaizözkökni jigetka

* 16:3: Apo 18.2

mötma.

⁹ Neñaknini Urbanus Kraistpuk kinjawi aka wölböt alani Stakis yetköra mönö nönğöreñ yaizözkökni jigetka mötmahot.

¹⁰ Apeles Anutunöñ esapesap wangiiga dop köli Kraistpuk qekötahöba kinjawi, yangöra mönö nönğö yaizözkökni jigetka mötma. Aristobulusbuk miri mohot maljei, yengöra mönö nönğöreñ yaizözkökni jigetka mötme.

¹¹ Tinitosolomni Herodion yangöra mönö nönğöreñ yaizözkökni jigetka mötma. Narsisusbuk Kembu qekötahöba miri mohot maljei, yengöra mönö nönğöreñ yaizözkökni jigetka mötme.

¹² Trifina aka Trifosa ambi yahöt mietkön nup ketanji memba Kembubuk kinjahori, yetköra mönö nönğöreñ yaizözkökni jigetka mötmahot. Wölböt ambi alani Persis yanön Kembugöra nup keta bölökñi memba maljawi, yangöra mönö nönğöreñ yaizözkökni jigetka mötma.

¹³ *Rufus yanön Kembugö nupñi ölop kötökñi memakzawi aka yangö namñi nalö dop ni tok nahönñi ewö köyan köl niñgiba malöhi, yetköra mönö nönğöreñ yaizözkökni jigetka mötmahot.

¹⁴ Asinkritus, Flegon, Hermes, Patrobas, Hermas aka urumelen alaurup tosatñi yembuk maljei, yengöra mönö nönğö yaizözkökni jigetka mötme.

¹⁵ Filologus, Julia, Nereus nenñambuk aka Olimpas aka ambazip sarakñi tosatñi pakpak yembuk maljei, yengöra mönö nönğöreñ yaizözkökni jigetka mötme.

* **16:13:** Mak 15.21

16 Urumelenj alaurup sutņine mōnō aņgum aņguba nembōņini suhuba jōlōņini jiba malme. Kraistkō urumelenj kōnagesō pakpak yeņōn mōnō yaizōkzōkņini algetka eņgōreņ kaza. Mewō.

Qambaņ keu tetekōji

17 O urumelenj alaurupni, nōņōn uruņini kewō kuņguba jizal: Ambazip tosatņan uru mendenmendeņ asuhumapkō nam kōlakzei, yeņgōra mōnō je galōm mem aņguba malme. Urumohotkō silik ölöņņi kusum eņgigetka mōtzemō, keu mi qetala kōsawōraņ keu tosatņi miaņōn uruņini kuņgugetka bōlii qakōba erakze. Ambazip mewōņi mi mōnō eņgōmosōta tikep malme.

18 Ambazip mewōņan mōnō nanini Kembunini Kraistkō nupņi qahō memakzemō, nanņini sihimņinaņgō dop asuhumapkōra tuakōpek jiba nanņini welen qem aņgumakze. Kelök keu ölöņņi ölöņņi nahōmņambuk jiba ambazip geņmoņini qahō yeņgō uruņini kuņguba tilipkōm eņgimakze.

19 Inņini Ölöwak Buņa tem kōla wuatañgōmakzei, keu mi kōrek neņgō kezapņine geiga mōtzin. Mianğōra nōņōn eņgōra aka önōņi qahō sōņgaimakzal. Mewō akzalmō, inņini kewō aka malmegōra mōtzal: Mōnō bōlōņi akingō mōtkutukutuņini mosōtketka etma. Ölöņņi akingō mōtkutukutuņini mi mōnō pōndaņ kōl guliba mem qarime.

20 Luai Toņi Anutu yaņōn mōnō Satan ösumok tōjōjahōi eņgō bapņine eri kōiraņ kōla sōņgaiba malme.

Kembunini Jisösgö kalem möriamñan mönö embuk ahöma.

²¹ *Nöngö neñakni Timoti yañön mönö yaizözkökñi ali engöreñ kaza. Nöngö tinitosolomurupni Lusius, Jeison aka Sosipater yeñön mewöyök yaizözkökñini algetka engöreñ kaza.

²² Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albiga engöreñ kaza.

²³ *Gaiusnöñ miriñi jim teköi malbiga urumelen könagesö pakpak yeñön mewöyök ki kaba tokogetka nene köisirik al neñgimakzawi, yañön mönö yaizözkökñi aliga engöreñ kaza. Erastus yañön siti pomñangö ofis uruñe takis monen galöm kölakzawi aka urumelen alanini Qartus yetkön mönö yaizözkökñiri alohotka engöreñ kaza.

²⁴ Kembunini Jisös Kraistkö kalem möriamñan mönö embuk ahöma. Keu mi ölña.

Kembu möpöseiba kewö köulukömakzal:

²⁵ Ölöwak Buña keu ölñi mi möpñangö möpñeyök mala kotketka miangöreñ tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miangö dop Anutunöñ mönö köhöiba mötnariñini mem köhöiiga ölop zeñ kin köhöime. Miangöra neñön mönö Anutugö qet-buñani möpöseininga sehimakña.

²⁶ Mutuk Buña keu ölñan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe

* **16:21:** Apo 16.1 * **16:23:** Apo 19.29; 1 Kor 1.14; 2 Tim 4.20

asuhuyök. Anutunöŋ nalö dop mala kota teteköŋi qahö mal öŋgömawi, yaŋön ambazip kambuŋi kambuŋi neŋön urunini melenä Buŋa keu möt nariba tem köla malbingöra mötza. Miangöra nup kewö membingö jim kutum neŋgiyök, “Inini mönö anda gölme dop liliköba Buŋa keu jim asariba malme.” Keu miangö dop neŋön Buŋa keu mi ambazip kambu pakpak mötmegöra jim asariba malin.

²⁷ Anutu nanŋök mötkutukutu Toŋi akzawi, neŋön mönö Jisös Kraistkö qetŋe yaŋgö qetbuŋaŋi möpöseininga nalö teteköŋi qahö aködamunŋambuk ahöm öŋgöba ahöma. Keu mi ölna.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 18 Apr 2025 from source files dated 31 Aug 2023

c0871260-68cc-5a50-953f-52200e105d1e